

續  
後  
漢  
書  
三





續後漢書

(三)

郝經撰

# 續後漢書卷第十

## 列傳第七

漢臣

陶謙

字奉融  
趙昱

公孫瓚

公孫度

子康  
康子晃  
恭淵

陶謙字恭祖，丹陽人也。少好學，爲諸生。年十四，猶綴帛爲幡，乘竹馬而戲。邑中羣童皆隨之。故蒼梧太守同縣甘公遇之，塗見其容貌異之，因許妻以女。其妻聞之，怒曰：「陶家兒，敖戲無度，何乃以女許之？」公曰：「彼有奇表，長必大成，遂妻之。」謙性剛直，有大節。仕州郡，舉茂才，除盧令。郡守張磐同郡先輩，與謙父友，意殊親之，謙恥爲之屈，非公事不見也。磐故留謙宴飲，起舞，屬謙不爲之起，強之，乃舞。謹案：陳志作及舞，太平御覽作乃舞，與此合。而不轉，磐曰：「不當轉邪？」謙曰：「不可轉，轉則勝人，由是不樂而罷。」竟委官去。累遷幽州刺史，徵拜議郎。會西羌寇邊，皇甫嵩爲征西將軍，表請武將，拜謙揚武都尉。從嵩征羌，大破之。邊章韓遂爲亂，參車騎將軍張溫軍事，溫遇謙甚厚，而謙內輕溫。及軍還，百寮高會，溫屬謙行酒，謙衆辱溫，溫怒，徙謙于邊。或謂溫曰：「陶恭祖本以材略見重，一朝以杯酒過失，不蒙容貸，遠徙不毛，厚德不終，四方人士，何所歸仰？」溫乃追還謙，或勸謙謝溫，遇溫于宮門，謙仰曰：「謙自謝朝廷，豈謝公耶？」溫曰：「恭祖癡病，尙爾未除，待之如初。」徐州黃巾

起以謙爲徐州刺史擊黃巾大破之境內晏然董卓以天子都長安謙乃上河南尹朱儁爲車騎將軍會兵討卓卓誅而李傕郭汜作亂四方斷絕謙復率諸豪傑推儁爲太師移檄牧伯同討傕汜會徵儁入朝不果乃遣使間行奉貢詔遷徐州牧加安東將軍封溧陽侯是時徐方百姓殷盛穀米豐贍流民多歸之

而謙背道任情信用非所刑政不理別駕從事琅邪趙昱知名士也而以忠直見疎出爲廣陵太守

漢書列傳注謝承書曰曹宏等讒隱小人也謙甚親任之良善多被其害由斯漸亂下邳閻宜

漢書列傳注謝承書曰曹宏等讒隱小人也謙甚親任之良善多被其害由斯漸亂下邳閻宜

別將守陰平

伐之而畏其強乃遣使說傕汜令東山罷兵詔曰今海內擾攘州郡起兵征夫勞瘁寇難未弭或將吏不

良因緣討捕侵侮黎民離害者衆風聲流聞震蕩城邑丘園懼于橫暴貞良化爲羣惡此何異乎抱薪救

焚扇火止沸哉今四民流移託身他方攜白首于山野棄稚子于溝壑顧故鄉而哀歎向阡陌而流涕飢

厄困苦亦已甚矣雖悔往者之迷謬思奉教于今日然兵連衆結鋒鏑遍野恐一朝解散并見係虜是以

阻兵屯據欲止而不敢散也詔書到其各罷遣甲士還親農桑惟留常員吏以供官署慰示遠近咸使聞

知謙被詔乃上書曰臣聞懷遠柔服非德不集克難平亂非兵不濟是以涿鹿版泉三苗之野有五帝之

師有扈鬼方商奄四國有王者之伐自古在昔未有不揚威以弭亂震武以止暴者也臣前初以黃巾亂

治受策長驅，匪遑啓處。雖憲章敕戒，奉宣威靈，敬行天誅，每伐輒克。然妖寇類衆，殊不畏死。父兄殲殪，子弟羣起。治屯連兵，至今爲患。若承命解甲，弱國自虛。釋武備以資亂，損官威以益寇。今日兵罷，明日難至。上忝朝廷寵授之本，下令羣凶日月滋蔓，非所以強幹弱枝，遏惡止亂之務也。臣雖愚蔽，忠恕不昭，抱恩念報，所不忍行。輒勒部曲，申令警備，出芟強寇，惟力是視。入宣德澤，躬奉職事，冀效微勞，以贖罪負。又曰：華夏沸擾，于今未弭。包茅不入，職貢多闕。寤寐憂歎，無日敢寧。誠思貢獻必至，薦羞獲通。然後銷鋒解甲，臣前調穀百萬斛，已在水次。輒敕兵衛送。原注：裴松之曰：此時天子在長安，曹公尙未秉政，罷兵之詔，不得由不從。操時雖未秉政，表請州郡一時罷兵，故詔從之。則出于朝廷，非出于操也。故今取之。操以謙不奉詔，征之初平四年，操擊謙，破彭城，傅陽。原注：後漢名。屬彭城。國本春秋時僑陽也。楚宣王滅宋，改曰傅陽。故城在今沂州承縣南。謙敗走，死者數萬。泗水爲之不流。謙退保剡，操攻之，不能克。乃還，過拔取慮、睢陵、夏丘皆屠之。原注：後漢列傳注：取慮音秋閭。縣名。屬下邳郡。故城在今泗州下邳縣西南。睢陵縣在下邳縣東南。夏丘縣屬沛郡。故城今泗州虹縣是。凡殺男女數十萬人，雞犬無餘。五縣城保無復行迹。初三輔遭李傕亂，百姓流移，依謙者皆殲焉。興平元年，曹操復擊謙，略定琅邪、東海諸縣。謙懼不免，欲走歸丹陽。會張邈迎呂布，據兗州。操還擊布，是歲謙病篤，命別駕糜竺迎昭烈領州。未至，謙卒。時年六十三。二子商、應，皆不仕。原注：吳書：謙死時年六十三。張昭等爲之哀辭曰：直守以溫仁，令紆及慮。遺愛于民，牧幽暨徐。甘棠是均，慷慨夷猶。賴侯以清，蓋蓋妖寇。匪侯不寧，唯帝念績。壽命以章，既牧且侯。啓土深閭，遂升上將。受號安東，將平世難。社稷是崇，降年不永。奄忽祖薨，喪覆失恃。民知困窮，曾不旬日。五郡潰崩。哀我人斯，將誰仰憑。追思靡及，仰叫皇穹。嗚呼哀哉。謹案：目錄傳未附答融、趙昱、二人、今闕。

謹案陶謙傳議闕。又目錄此下有公孫瓚傳。今亦闕。

公孫度字升濟。本遼東襄平人。父延。避吏居元菟。度爲郡吏時。元菟太守公孫域原注音域。子豹年十八早

死。度少時名豹。又與域子同年。域見而愛之。遣就師學。爲娶妻。靈帝時與東郡謝弼。東海陳敦。舉有道對

策。除尙書郎。稍遷冀州刺史。以謠言免。同郡除榮爲董卓中郎將。薦度爲遼東太守。度起元菟小吏。爲遼

東郡所輕。先時屬國公孫昭守襄平令。召度子康爲伍長。度到官。收昭笞殺于襄平市。郡中名豪大姓田

詔等宿遇無恩。皆以法誅。所夷滅百餘家。郡中震慄。東伐高句麗。西擊烏桓。威行海外。初平元年。度見中

國擾攘。語所親吏柳毅。陽儀等曰。漢祚將絕。當與諸卿圖王爾。原注魏書度語毅儀。識書云孫登當爲天子。太守姓公孫。字升濟。升卽登也。時

襄平延里社生大石。長丈餘。下有三小石爲之足。或謂度曰。此漢宣帝冠石之祥。而里名與先君同。社主

土地。明當有土地而三公爲輔也。度益喜。故河內太守李敏。郡中知名。惡度。恐爲所害。乃將家屬入于海。

度大怒。掘其父冢。剖棺焚屍。誅其宗族。原注晉陽秋曰。敏子追求敏出塞。越二十餘年不娶。州里徐邈真之曰。不勝憂。數年而卒。允生不讓父母。及有識。蔬食哀戚。亦如三年之喪。以祖父不知存亡。設分遼東郡爲遼西

主奉之。由是知名。仕至司徒。裴松之曰。按本傳云。敏將家入海。而復與子相失。未詳其故。郡置太守。越海收東萊諸縣。置營州刺史。自立爲遼東侯。平州牧。追封父延爲建義侯。立漢二祖廟。承制

設壇于襄平城南。郊祀天地。籍田治兵。乘鸞路。九旒。旄頭羽騎。曹操表度爲武威將軍。封永寧鄉侯。度曰。

我王遼東。何永寧也。藏印綬武庫。度死。子康立。以永寧鄉侯封弟恭。是歲建安九年也。十二年。曹操征三

我王遼東。何永寧也。藏印綬武庫。度死。子康立。以永寧鄉侯封弟恭。是歲建安九年也。十二年。曹操征三

郡烏桓屠柳城袁尙等奔遼東康斬送尙首封襄平侯拜左將軍康死子晃淵等皆小衆立恭爲遼東太守曹丕篡代遣使卽拜恭爲車騎將軍假節封平郭侯追贈康大司馬初恭病陰消爲閹人劣弱不能治國曹叡太和二年淵脅奪恭位叡因拜淵揚烈將軍遼東太守六年淵遣使南通孫權權遣將軍周賀校尉裴潛乘海之遼東賂遣淵淵遂遣校尉宿舒郎中令孫綜稱藩于權隨賀還并獻貂馬表權曰臣遭天地反易遇無妄之運王路未夷傾側擾攘自先人以來歷事漢魏階緣際會爲國效節繼世享任得守藩表猶知符命未有攸歸每感厚恩頻辱顯使退念人臣交不越境是以固守所執拒違前使雖義無二信敢忘大恩陛下鎮撫長存小國前後裴校尉葛都尉到奉被敕誠聖旨彌密重執累素幽明備著所以申示之事言提其耳臣晝則謳吟宵則發夢終身誦之志不知足季末凶荒乾坤否塞兵革未戢人民蕩析仰此天命將有眷顧私從一隅永瞻雲日今魏家不能采錄忠善喪功臣之後乃令讒僞得行其志聽幽州刺史東萊太守誑悞之言猥興州兵圖害臣郡臣不負魏而魏絕之蓋聞人臣有去就之分田饒適齊樂毅走趙以不得事主故保有道之君原注·史記燕昭王使樂毅伐齊·下齊七十餘城·昭王死·子燕惠王立·使騎劫代將·而召樂毅·樂毅四降趙·趙封樂毅于觀津·號曰望諸君·陳平耿況亦睹時變卒歸于漢原注·漢書·項羽以陳平爲信武君·使擊殷王·漢攻下殷·平懼誅·仗劍亡渡河降漢廣阿·光武加況大將軍·封興義侯·勒名帝籍伏惟陛下德不再出時不世遇是以悽悽懷慕自納望遠視險有如近易誠願神謨早定洪業奮六師之威收河洛之地爲聖代宗天下幸甚賀等至成山魏將田豫要擊斬之舒綜脫

身至吳。曹叡恐遼東吏民爲淵所悞。公文下遼東。因赦之曰。告遼東元菟將校吏民。逆賊孫權。遭遇亂階。因其先人劫略州郡。遂成羣凶。自擅江表。含垢藏疾。冀其可化。故割地王權。使南面稱孤。位以上將。禮以九命。權親叉手北向稽顙。假人臣之寵。受封爵之榮。未有如權者也。狼子野心。告令難移。卒歸反覆。背恩叛主。滔天逆神。乃敢僭號。恃江湖險阻。王誅未加。比年以來。復遠遣兵船。越渡大海。多持貨物。誑誘邊民。民愚無知。與之交關。長吏以下。莫肯禁止。至使周賀浮舟百艘。沈滯津岸。貿易有無。旣不疑拒。齎以名馬。又使宿舒隨賀通好。十室之邑。猶有忠信。陷君子惡。春秋所書。今遼東元菟奉事國朝。紆青拖紫。以千百數。戴纚垂纓。咸佩印綬。曾無匡正納善之言。龜玉毀積。虎兕出柙。是誰之過。昔狐突有言。父教子貳。何以事君。策名委質。貳乃辟也。今乃阿順邪謀。脅從姦惑。豈獨父兄之教不詳。子弟之舉習非而已哉。若苗穢害田。隨風烈火。芝艾俱焚。安能白別。且又此事較然易見。不及鑒古成敗。書傳所載也。江南海北。有萬里之限。遼東君臣。無怵惕之患。利則義所不利。貴則義所不貴。此爲厭安樂之居。求危亡之禍。賤忠貞之節。重背叛之名。蠻貊之長。猶知愛禮。以此事人。亦難爲顏。且又宿舒無罪。擠使入吳。奉不義之使。始與家訣。涕泣而行。及至賀死。覆衆成山。舒雖脫死。魂魄離身。何所逼迫。乃至于此。故遣郎中衛慎。邵瑁等。且先奉詔示意。若股肱忠良。能效節立信。以輔時君。反邪就正。建立大功。福莫大焉。尙恐自嫌已爲惡逆。染汚不敢倡言。永懷伊戚。其諸與賊使交通。皆赦除之。與之更始。孫權復遣張彌。許晏等。齎金玉珍寶。立淵爲燕。



王加九錫。曰：故魏使持節車騎將軍遼東太守平樂侯。天地失序，皇極不建，元惡大憝，作害于民，海內分崩，羣生壙滅。雖周餘黎，靡有子遺。方今之日，亂有甚焉。朕受歷數，君臨萬國，夙夜戰戰，念在弭難。若涉淵水，罔知攸濟。是以把旄杖鉞，翦除凶虐。自東徂西，靡遑寧處。苟力所及，民無災害。雖賊虜遺種，未伏辜誅。猶繫囚枯木，待時而斃。惟將軍天姿特達，兼包文武，觀時睹變，審于去就，踰越險阻，顯致赤心。肇建大計，爲天下先。元勳巨績，侔于古人。雖昔竇融背棄隴右，卒占西河，以定光武，休名美實，豈復是過。欽嘉雅尚，朕實欣之。自古聖帝明王，建化垂統，以爵褒德，以祿報功。功大者祿厚，德盛者禮崇。故周公夾輔之勞，太師有鷹揚之功。原注：詩維師尚父。時維鷹揚。並啓土宇，兼受備物。今將軍規萬年之計，建百世之略，絕僭逆之虜。

順天人之望，濟成洪業，功無與比。齊魯之事，奚足言哉。詩不云乎：無言不讎，無德不報。今以幽青二州十七郡七十縣封君爲燕王，使持節守太常張彌授君璽綬，策書金虎符第一至第五，竹使符第一至第十。錫君元土，苴以白茅，爰契爾龜，用錫冢社。方有戎事，典統兵馬，以大將軍曲蓋麾幢督幽州青州牧遼東太守如故。今加君九錫，其敬聽後命。以君三世相承，保綏一方，寧集四郡，訓及異俗，民夷安業，無或攜貳。是用錫君大輅、戎輅、元牡、二駟，君務在勸農，嗇人成功，倉庫盈積，官民俱豐。是用錫君衮冕之服，赤烏副焉。君正化以德，敬下以禮，敦義崇讓，內外咸和。是用錫君軒縣之樂，君宜導休風，懷保邊遠，遠人迴面，莫不影附。是用錫君朱戶以居，君運其才略，官方任賢，顯直錯枉，羣善必舉。是用錫君虎賁之士百人，君戎

馬整齊。威震遐方。糾虔天刑。彰厥有罪。是用錫君鈇鉞各一。君文和于內。武信于外。禽討逆節。折衝掩難。是用錫君彤弓一。彤矢百。旅弓一。旅矢千。君忠勤有效。溫恭爲德。明允篤誠。感于朕心。是用錫君秬鬯一。卣珪瓚副焉。欽哉。敬茲訓典。寅亮天工。相我國家。永終爾休。淵復恐權遠不可恃。且貪貨物。誘致其使。悉斬送彌。晏等首。表叡曰。臣前遣校尉宿舒。郎中令孫綜。甘言厚禮。以誘吳賊。幸賴天道。福助大魏。使賊虜迷惑。違戾羣下。不從衆諫。承信臣言。遠遣船使。多將士卒。來致封拜。臣之所執。得如本志。雖憂罪釁。私懷幸甚。賊衆本號萬人。舒綜伺察。可七八千人。到沓津。僞使者張彌。許晏。與中郎將萬泰。校尉裴潛。將吏兵四百餘人。齎文書。命服。什物。下到臣郡。泰潛別齎致遺貨物。欲因市馬。軍將賀達。虞杏。領餘衆在船所。臣本欲須涼節。乃取彌等。而彌等人兵衆多。見臣。不便承受。僞命。意有猜疑。懼其亂作。卽進兵圍取。斬彌。晏。泰。潛等首級。其吏從兵衆皆面縛乞降。不忍誅殺。輒聽納受。徙充邊城。別遣將韓起等。將三軍馳行至沓。使領長史柳遠。設賓主禮。誘請達咨。三軍潛伏以待。又驅羣馬貨物。欲與交市。達咨懷疑不下。使諸市買者五六百人。下欲交市。起等金鼓始震。鋒矢亂發。斬首三百餘級。其餘赴水沒溺者二百餘人。散走山谷。者悉皆禽馘。得銀印。銅印。兵器。資貨。不可勝數。謹遣西曹掾公孫珣。奉送賊權所假臣節。印綬。符策。九錫什物。及彌等僞節。印綬。首級。臣雖無昔人洗耳之風。慙爲賊權污損所加。旣行天誅。猶有餘忿。然亦足以摧猾虜之鋒。破矜夸之功。以昭示天下。

原注。魏略載淵表曰。宿舒孫綜前到吳賊。權問臣家內小大。舒綜對臣有三息。修別屬亡弟。權敢姦巧。便擅拜命。謹封送印綬符策。臣雖無昔人洗

耳之風。慚爲賊權汗損。所加既行天誅。猶有餘忿。又曰。臣父康昔殺權使。結仇隙。今乃譴欺遣使誘致。令權傾心。虛國竭祿。遠命上卿。寵授極位。震動南土。備盡禮敬。又權待舒綜。契闊委曲。君臣上下。畢權竭情。而令四使見殺。鼻息萬里。士衆流離。屠戮津渚。慚恥遺布。痛辱彌天。權之怨疾。將刻肌膚。若天哀其業。使至喪限。權將內傷憤激而死。若期運未訖。將播毒螫。必恐長蛇。來爲寇害。徐州諸屯及城陽諸郡與相接近。如有船衆。後年向海門。得其消息。乞速告臣。使得備豫。又曰。臣門戶受恩。實深實重。自臣承孫卽事以來。連被榮寵。殊特無量。分當限感。竭力致死。而臣狂愚。意計迷闇。不卽禽賊。以至見疑。前章表所陳情。趨奉勢。實但欲罷斃此賊。使因自絕。誠不敢背累世之恩。附借盜之虐也。而後愛憎之人。緣事加誣。僞生節目。卒令明聽疑于市虎。移恩改變。與動威怒。費至沈沒。長爲負忝。幸賴慈恩。猶垂三宥。使得補過。解除愆責。如天威遠加。不見假借。早當糜碎。辱先廢祀。何緣自明。建此微功。臣既喜于事捷。得申展。悲于鳴昔。至此獲故。餘怖踴躍。未敢便寧。唯陛下既崇春日生全之仁。忿塞隙。抑弭纖介。推今亮往。察臣本心。長令抱戴。銜分三泉。又曰。臣被服光榮。恩情未報。而以罪釁。自招譴怒。分卽當戮。爲衆社戒。所以越典詭常。僞通于吳。誠自念窮迫。報效未力。而爲天威督罰所加。長恐奄忽不得自洗。故敢自闕替廢于一年。遣使誘吳。知其必來。權之求郡。積有年歲。初無倡答一言之應。今權得使來。必不疑至此一事。果如所規。上卿大衆。翕赫豐盛。財貨賂遺。傾國極位。到見禽取。流離死亡千有餘人。滅絕不及此。誠暴猾賊之錄。權矜夸之巧。昭示天下。破損其業。足以慚之矣。臣之懷懷。念效于國。雖有非常之過。亦有非常之功。願陛下原其踰闕之愆。采其毫毛之善。使得國恩。保全終始矣。使

**叡卽拜淵大司馬。封樂浪公。持節領郡如故。**原注。魏名臣奏載中領軍夏侯獻表曰。公孫淵昔年敢違主命。廢絕計賈者。實挾兩端。既恃險阻。又怙孫權。故敢跋扈。恣睢海外。宿舒親見賊權軍衆府庫。知其弱少。不足憑恃。是以決計斬賊之使。又高句麗。濊貊。與淵爲仇。並爲寇。今外失吳援。內有胡寇。心知國家能從陸道。勢不得懷懼懼之使。因斯之時。宜遣使示以禍福。奉車都尉驪去。武皇帝時始奉使命。開通道路。文皇帝卽位。欲通使命。遣去將妻子還歸鄉里。賜其車馬。絹百匹。宏以受恩。歸死國朝。無有還意。乞留妻子。身奉使命。公孫康遂稱臣妾。以宏奉使稱意。賜爵關內侯。宏性果烈。乃心于國。夙夜拳拳。念自竭效。冠族子孫。少好學問。博通書記。多所關涉。口論速捷。辨而不俗。附依典語。若出胸臆。加仕本郡。常在入右。彼方士人。素所敬服。若當遣使。以爲可使宏行。宏乃自舊土。習其國俗。爲我利害。辨足以勸其意。明足以見其事。才足以行之。辭足以見信。若其計從。雖鄙生之降齊王。使者至淵設甲兵陸賈之說尉佗。亦無以遠過也。欲進遠路。不宜釋驥驥。將以爲疾。不宜廢扁鵲。願察愚言也。 **使者至淵設甲兵爲陣出見使者。又數對國中賓客出惡言。**原注。吳書。魏遣使者傅容養養拜淵爲樂浪公。淵計吏從洛陽還語淵曰。容養大怖。由是還洛言狀。 **叡乃遣幽州刺史毌丘儉等齎書徵淵。淵遂發兵逆于遼隧。與儉等戰。儉等**

不利而還。淵自立為燕王。稱紹漢元年。遣使者持節假鮮卑單于璽。封拜邊民。誘呼鮮卑。侵擾北方。復稱

臣于吳。上表謝罪。求兵北伐。權復許之。又令官屬尚書自直于叙。指斥怨望。原注。魏齊淵知此變。非獨出儉。遂為備。遣使謝吳。自稱燕王。

求為典國。然猶令官屬上書自直于魏。曰。大司馬長史臣郭昕。參軍臣柳蒲等七百八十九人言。奉被今年七月己卯詔書。伏

請懇切。轉曉散越。不知身命所當投措。听等伏自惟省。螻蟻小醜。器非時用。遭值千載。被受公孫淵祖考以來光明之

德。惠澤沾溥。滋潤榮華。無尺寸之功。有負乘之累。遂蒙褒獎。登名天府。並以駕登。附寵託驥。軒青拖紫。飛騰雲

梯。感恩惟報。死不得地。臣等聞明君在上。聽政采言。人臣在下。得無隱情。是以因緣訴讓。冒犯相違。城門晝閉。密

道不驅。平昔三州轉輸。以供賞賜。歲用累億。虛耗中國。然猶欺虐度劉。邊陲烽火相望。羽檄相逐。城門晝閉。路

無行人。州郡兵戈。奔散覆沒。淵祖父度。初來臨郡。承受荒殘。開日月之光。建神武之略。敘烏合之民。埽地為

樂。威震懼于殊俗。德澤被于羣生。遠土之不壤。度既薨。孔子曰。微管仲吾其被髮左衽。向不遭度。則郡早為丘墟

。而民保于處庭矣。遺風餘愛。永存不朽。度既薨。孔子曰。微管仲吾其被髮左衽。向不遭度。則郡早為丘墟

。武烈。邁德種仁。乃心京堂。翼翼虔恭。佐國平亂。效績紛紜。功隆事大。助藏王府。度康當值。武帝休明之會。合策

名之計。夾輔漢室。降身委質。早已事魏。匪處小厭大。長而服焉。乃慕託高風。懷仰盛德也。武皇帝亦虛心接納。待

以不次功。無巨細。每不見忘。又命之曰。海北土地。割以付君。世世子孫。實得有之。皇天后土。實聞德音。臣庶小大

。預在下風。奉以周旋。不敢失墜。淵生有蘭石之姿。少含愷悌之訓。允文允武。忠惠且直。生民欽仰。莫勿懷愛。淵

。慕我祖考。君臨萬民。為國以禮。淑化流行。獨見先觀。羅結遐方。勤王之義。視險如夷。世載忠亮。不限厥名。孫權

。慕我祖考。君臨萬民。為國以禮。淑化流行。獨見先觀。羅結遐方。勤王之義。視險如夷。世載忠亮。不限厥名。孫權

兵。搖動天下。殆非遙制。必是詔命。淵乃俯仰歎息。自傷無罪。深惟土地所以養人。竊慕古公林策之岐。乃欲投冠擗。逆歸林麓。臣等維持。誓之以死。屯守府州。不聽所執。而七營虎士。五部蠻夷。各懷素飽。不謀同心。奮臂大呼。排門逼出。近郊農民。縛其縛縛。伐薪制挺。改案爲櫓。奔馳赴難。軍旅行成。雖陷湯火。死不顧生。淵雖見孤棄。怨而不怒。比遭賊軍。勿得干犯。及手書告語。懇切至誠。而吏士凶悍。不可解散。期于畢命。投死無悔。淵懼吏士不從。教令。乃躬身馳驚。自往化解。僅乃止之。一飯之惠。匹夫所死。況淵累華信結百姓。恩著民心。自先帝初興。爰暨陛下。榮淵累葉。豐功懿德。策名褒揚。辨著廊廟。勝衣奉履。誦詠明文。以爲口實。擢而擢之。古人所矜。小白重耳。哀世諸侯。猶慕者信以隆霸業。詩美文王作孚萬邦。論語稱仲尼去食存信。信之爲德。固亦大矣。今吳蜀共帝。鼎足而居。天下搖蕩。無所統一。臣等每爲陛下懼此危心。淵據金城之固。仗和陸之民。國殷兵強。可以橫行。策名委質。守死善道。忠至義盡。爲九州表。方今二敵圍逼。未知孰定。是之不戒。而淵是害。茹柔吐剛。非王者之道也。臣等雖鄙。誠竊恥之。若無天乎。臣一郡吉凶。尙未可知。若云有天。亦何懼焉。臣等聞仕于家者。二世則主之。三世則君之。臣等生于荒裔之土。出于圭竇之中。無大援于魏。世隸于公孫氏。報生與賜。在于死力。昔劇通言直。漢祖赦其誅。郎詹辭順。晉文原其死。臣等愚頑。不達大節。荷執一介。披露肝膽。言逆龍鱗。罪當萬死。惟陛下恢崇捐育。亮其控告。使疏遠之臣。永有保持。叡大怒。景初二年春。遣太尉司馬懿征淵。六月軍至遼東。原注。漢晉春秋曰。公孫淵自立。稱紹。兵北伐以自救。吳人欲戮其使。羊衢曰。不可。是肆匹夫之怒而損霸王之計也。不如因而厚之。遣奇兵潛往以要其成。若魏伐淵不克。而我軍遠赴。是恩結邇夷。義蓋萬里。若兵連不解。首尾離隔。則我慮其傍郡。驅略而歸。亦足以致天

之罰。報雪屢事矣。權曰。善。乃勒兵大出。謂淵使曰。請俟後問。當從簡書。必與弟同休戚。共存亡。雖隕于中原。吾所甘心也。又曰。司馬懿所向無前。深爲弟憂也。淵遣將軍卑衍、楊祚等步騎數萬屯遼隧。圍斬二十餘里。懿軍至。令衍逆戰。懿遣將軍胡遵等擊破之。令軍穿圍。引兵東南向而急東北。卽趨襄平。衍等恐襄平無守。夜走。諸軍至首山。淵復遣衍等迎兵。殊死戰。復擊大破之。遂進軍造城下。爲圍塹。會霖雨三十餘日。遼水暴長。運船自遼口徑至城下。雨霽。起土山。修櫓爲發石。連弩射城中。淵窘急。糧盡。人相食。死者甚多。將軍楊祚等降。八月丙寅。夜大流星長數十丈。從首山東北墜。襄平郡東南。原注。晉書有長星。色白。有芒。自襄平城西南流于東北。墜于梁氏。壬午。淵衆潰。與其子修將數百騎突圍東南走。大兵急擊之。當流星所

墜處斬淵父子。城破，斬相國以下首級以千數。傳淵首洛陽。遼東帶方、樂浪、元菟、悉平。淵兄晃爲恭任子。在洛聞淵奪恭位，謂淵必叛，數表請討淵。淵已立，因而拊之。及淵叛，繫晃。淵首到，晃與其子相對而哭。勸不忍市斬，欲就獄殺之。廷尉高柔諫不聽，竟遣使齎金屑飲晃及其妻子，賜以棺衣，殮殯於宅。初，淵家數有怪，犬冠幘絳衣上屋，炊有小兒蒸死甑中，襄平北市生肉，長圍各數尺，有頭、目、口、喙，無手足，而動搖。占曰：有形不成，有體無聲，其國滅亡。始度以中平六年據遼東，至淵三世，凡五十歲而滅。

議曰：瓚始從史義烈，亦燕趙之豪，及志盈意侈，賊殺州牧，大亂幽陵，一踏單斃，宜哉！方中原多故，而度屈強海外，子孫得以跳跟翻覆，是以後亡也。

贊曰：恭祖有識，拒操推劉，爰引皇緒，紹開東周。瓚挾勁氣，輒害宗子，百樓雖多，云胡不死。度割遼海，奕世翻覆，抗魏挑吳，終于赤族。

# 續後漢書卷第十一

## 列傳第八

漢臣

張燕 張繡 張魯 圖 劉雄 圖 士燮

張燕、常山真定人也。本姓褚，黃巾起，燕合聚少年為羣盜，在山澤間，轉攻還真定，衆萬餘人。博陵張牛角亦起，衆自號將兵從事，與燕合。燕推牛角為帥，俱攻瓌陶。牛角為飛矢所中，被創且死，令衆奉燕曰：「必以燕為帥，牛角死，衆奉燕，故改姓張。」燕剽悍捷速，故軍中號曰飛燕。時黃龍、白波、左校、郭大賢、于氍根、白騎、張雷公、青牛角、劉石、左髻丈八、平漢大計、謹案後漢書注引九州春秋大計作大洪、司隸掾城、謹案後漢書作緣城九州春秋作緣城、浮雲、白雀、楊鳳、于毒、五鹿、李大目、白繞、眭固、苦蠃之徒，並起山谷間，其大者二三萬，小者六七千，而燕善得士卒心。中山常山、趙郡、上黨、河內諸山谷，賊多附之，部衆浸廣，殆至百萬。號黑山賊，河北諸郡縣並被其害，朝廷不能討。燕乃遣使至京師，奉書乞降，遂拜燕平難中郎將，使領河北諸山谷事。歲得舉孝廉計吏。原注九州春秋。獻帝遣使

拜楊鳳為黑山校尉。領諸山賊。得舉孝廉計吏。後漢書陳志皆謂拜燕為平難中郎將。今從之。

燕復漸寇河內，逼近京師，詔以太僕朱雋為河內太守，擊卻之。及董卓遷天子于長安，天下兵起，燕遂以其衆與豪傑相結，袁紹與公孫瓚爭冀州，燕遣將杜長等助

瓚與紹戰爲紹所敗。又令于毒與魏郡兵共覆鄴城。殺太守栗成衆數萬人。會鄴中聞紹至。皆遁去。紹遂討于毒。斬之。入太行尋山北行。并斬左髡丈八、劉石、青牛角、黃龍、左校、郭大賢、李大目、于羝根等。皆屠其屯壁。遂與燕戰于常山十餘日。燕兵傷敗。紹軍亦困弊。遂俱退。燕收合山谷餘賊。衆復盛。紹圍公孫瓚于易京。瓚窘逼。遣其子續求救于燕。燕與續率兵十萬三道救之。未至。瓚已堅守自保。不復出。曹操遣曹仁擊斬眭固于射犬。燕黨遂衰矣。及操定冀州。燕遣使求佐王師。拜平北將軍。率衆十餘萬詣鄴。封安國亭侯。邑五百戶。燕卒子方嗣。方卒子融嗣。燕曾孫林與晉趙王倫爲亂。不周歲爲尙書令。衛將軍封郡公。尋爲倫所殺。

張繡武威祖厲人。謹案。祖厲音宜。賴。縣名。見前漢地理志。驃騎將軍濟族子也。邊章韓遂亂涼州。金城麴勝襲殺祖厲長劉

雋。繡爲縣吏。伺殺勝。郡內義之。遂招合少年爲邑中豪傑。董卓敗。濟與李傕等擊呂布。爲卓報仇。繡隨濟

以軍功稍遷。至建忠將軍。封宣威侯。濟屯宏農。士卒飢餓。南攻穰。爲流矢所中死。繡領其衆。屯宛。與劉表

合。曹操軍消水。繡舉衆降。操納濟妻。繡恨之。操聞其不悅。密欲殺繡。有所親胡車兒勇冠其軍。操壯之。手

以金賜之。繡疑其圖己。掩襲操。操軍敗。殺操二子。原注。吳書。繡降浚統。用賈詡計。乞徙軍就高道。道由太祖

之。繡乃嚴兵入屯掩太。太祖不備。故敗。繡還保穰。劉表資給之。操比年攻之不克。操拒袁紹于官渡。繡從賈詡計。復以衆降

繡。至操執其手與歡宴。爲子均取繡女。拜揚武將軍。官渡之役。繡力戰有功。遷破羌將軍。從破袁譚于南



皮復增邑凡二千戶。是時天下戶口減耗十裁一。在諸將封未有滿千戶者。而繡特多。從征烏桓于柳城。未至。曹丕因會發怒曰。君殺吾兄。何忍持面視人耶。繡乃自殺。諡曰定侯。子泉嗣。坐與魏諷謀反。誅。國除。謹案目錄。此下有張魯傳。又附閭圃劉雄鳴二人。今止存劉雄鳴一篇。

劉雄鳴者。藍田人。少以采藥射獵爲業。居覆車山下。每晨夜出行雲霧中。識道不迷。時人因謂能雲霧。僅汜之亂。人多就之。建安中。附屬州郡。表爲小將。馬超等反。不從。超破。詣曹操。操執其手謂之曰。孤方入關。夢得一神人。卽卿也。乃厚禮之。拜爲將軍。遣迎其部黨。部黨不欲降。遂劫以反。諸亡命皆往依之。有衆數千人。據武關道口。操遣夏侯淵討破之。雄鳴南奔漢中。漢中破。窮無所之。乃復歸命。操捉其鬚曰。老賊真得汝矣。復其官。徙勃海。時又有程銀。侯選。南入漢中。漢中破。詣操降。皆復官爵。原注。陳志。公孫瓚。陶謙。張魯共一傳。評曰。公孫瓚保京坐待夷滅。度殘暴而不節。淵仍乘以載凶。祇足覆其族也。陶謙昏亂而憂死。張揚授首于臣下。皆擁據州郡。曾匹夫之不若。固無可論者也。燕。繡。魯。舍軍盜。列功臣。去危亡。保宗社。則于彼爲愈焉矣。承祚乃以匹夫憂死讓之。非知之也。

議曰。燕繡以劇盜。魯以妖賊。力屈而降。不慶遺民。有足嘉者。操得漢中。不從司馬懿策。而遂取蜀。操豈味事幾者哉。越重險而遇昭烈。未必得志。慮之熟矣。其後出斜谷。軍遮要。果以敗還。嗚呼。操能取天下而不能取漢中。殆天所以存漢。非人謀所及也。

士燮字威彥。蒼梧廣信人也。其先魯國汶陽人。王莽之亂。避地交州。六世至燮。父賜。桓帝時爲日南太守。

雙少遊學京師。事潁川劉子奇。治左氏春秋。察孝廉。補尙書郎。以事免官。父賜喪闋後。舉茂才。除巫令。遷交趾太守。弟壹初爲郡督郵。刺史丁宮徵還京都。壹侍送勤恪。宮感之。臨別謂曰。刺史若待罪三事。當相辟也。後宮爲司徒。辟壹。比至宮已免。黃琬代爲司徒。甚禮遇。壹董卓惡之。署教曰。司徒掾士。壹不得除用。歷年不遷。會卓入關。壹乃亡歸。交州刺史朱符爲夷賊所殺。州郡擾亂。雙乃表壹領合浦太守。次弟徐聞令。勸原注。于領九真太守。勸弟武領南海太守。謹案。南海與通志合。陳志作海南誤。雙體器寬厚。謙虛下士。中國士人

避難依之者以數百。耽玩春秋爲之注解。陳國袁徽與尙書令荀彧書曰。交趾士府君。旣學問優博。又達于從政。處大亂之中。保全一郡二十餘年。疆場無事。民不失業。羈旅之徒。皆蒙其慶。雖寶融保河西。曷以加之。官事小闕。輒玩習書傳。春秋左氏傳尤簡練精微。吾數以咨問。傳中諸疑。皆有師說。意思甚密。又兼通尙書。古今大義詳備。聞京師古今之學。是非忿爭。今欲條左氏尙書長義上之。其見稱如此。雙兄弟並爲列郡。雄長一州。偏在萬里。威尊無上。出入鳴鐘磬。備具威儀。笳籥鼓吹。車騎滿道。胡人夾轂焚香者常數十百人。妻妾乘輜輶。子弟從兵騎。當時貴重。震服百蠻。尉佗不足踰也。原注。葛洪神仙傳。雙嘗病。死已

水含之。捧其頭搖指之。食頃卽開目動手。顏色漸復。半日能起坐。四日復能語。遂復常。奉字君異。候官人也。

武先病沒。朱符死後。朝廷遣張津爲交州刺史。原注

志津字子雲。南陽人。

爲其將區景所殺。而荊州牧劉表遣零陵賴恭代津。蒼梧太守史璜死。表又遣吳巨代之。與

恭俱至。朝廷聞張津死。賜雙璽書曰。交州絕域。南帶江海。上恩不宣。下義壅隔。知逆賊劉表又遣賴恭闕

看南土。今以變爲綏。南中郎將董督七郡。領交趾太守如故。後變遣吏張晏奉貢詣京都。時天下喪亂。道路斷絕。而變不廢貢職。特復下詔拜安遠將軍。封龍度亭侯。後巨與恭相失。舉兵逐恭。恭走還零陵。建安十五年。孫權遣步騭爲交州刺史。騭到。變率兄弟奉承節度。而吳巨獨懷異志。騭斬之。權加變爲左將軍。建安末年。變遣子厥入質。權以爲武昌太守。變壹諸子在南者皆拜中郎將。變又誘導益州豪姓雍闓等。使遙東附。益嘉之。遷衛將軍。封龍編侯。弟壹偏將軍。都鄉侯。變每遣使詣權。致雜香細。萬輒以千數。明珠大貝。琉璃。翡翠。璆瑀。犀象之珍。奇物異果。蕉邪。龍眼之屬。無歲不至。壹時貢馬凡數百匹。權輒爲書厚加寵賜以答慰之。變在郡四十餘年。年九十卒。權以交趾縣遠。乃分合浦以北爲廣州。呂岱爲刺史。交趾以南爲交州。戴良爲刺史。又遣陳時代變爲交趾太守。岱留南海。良與時俱前行到合浦。而變子徽自署交趾太守。發宗兵拒良。良留合浦。交趾桓鄰。變舉吏也。叩頭諫徽。使迎良。徽怒。笞殺鄰。鄰兄治子發合族兵擊徽。徽閉城守。治等攻之。數月不下。乃約和親。各罷兵。而權詔呂岱誅徽。自廣州將兵。晝夜馳入。過合浦。與良俱前。壹子中郎將匡與岱有舊。岱署匡師友從事。先移書交趾。告諭禍福。又遣匡見徽。說令服罪。雖失郡守。保無他憂。岱尋匡後至。徽兄祇。弟幹。頌等六人肉袒奉迎。謝罪。岱前至郡。明旦。施帳幔。請徽兄弟。以次入。賓客滿坐。岱起擁節。讀詔書。數徽罪。縛徽等出。皆伏誅。傳首詣武昌。壹贖匡後出。權原其罪。及變質子厥皆免爲庶人。數歲。壹贖坐法誅。厥病卒。無子。妻寡居。詔在所月給俸米。賜錢四十萬。原注。孫盛曰。夫柔遠

能運。莫善于信。保大定功。莫善于義。故齊桓創基。德彰于柯會。晉文始霸。義顯于伐原。故能九合一匡。世主夏盟。令聞長世。昭範百王。呂岱師友士匡。使通信警敵。兄弟肉袒。推心委命。岱因滅之。以要功利。君子是以知孫權之不能遠略。而呂氏之詐不延者也。陳志。劉繇。太史慈。士燮共一傳。評曰。劉繇。漢名行。好尙臧否。至于擾攘之時。據萬里之土。非其長也。太史慈。信義篤烈。有古人之分。士燮作守南越。優游終世。至子不愼。自貽凶咎。蓋庸才玩富貴而特阻險使之然也。士燮子弟。皆漢室牧守。權遣呂岱誘而滅之。則士氏忠於漢室而罪在權矣。承祚譏之非也。

議曰。士燮昆季。保完南服。當戰國折并。民不知兵。統內寧謐。不廢職貢。藹然以著述自娛。有寶融之義。無尉佗之僭。賢矣哉。弈者先據邊角而逐利于腹心。大亂之際。九州之內。闕爲戰場。而遐外暇逸者。得以觀時變而待天下之定。理勢然也。燮宜有後者也。而呂岱徼功喜殺。使兄弟同穴而死。嗚呼。岱何殘忍之甚哉。

贊曰。赤符蘖獮。黃妖左道。氣竭力窮。屈膝于操。己方祛篋。謂人竊斧。非取漢室。孰爲此語。嶺海沈雄。蜿蜒清淑。威彥賢伯。載德南服。厥後宜昌。而并翦祝。吳祚能長。繼亦傾覆。

# 續後漢書卷第十二

## 列傳第九

漢臣

荀爽 黃琬 楊彪

謹案荀爽傳闕

黃琬字子劼。江夏安陸人也。少失父。早而辨慧。祖父瓊初爲魏郡太守。建和元年正月日食。京師不見。而瓊以狀聞。詔問所食多少。瓊思其對而未知所況。琬年七歲。在旁曰。何不言日食之餘。如月之初。瓊大驚。卽以其言應詔。而深奇愛之。後瓊爲司徒。轉太尉。原注。後漢書。瓊字世英。魏郡太守香之子也。公車徵拜。瓊卽尙書令。元嘉元年。拜司空。永興元年。遷司徒。轉太尉。桓帝時。累上疏言得失。蹇蹇有大臣風。遷帝以瓊有師傅之恩。不阿梁氏。乃封鄆鄉侯。延熹七年薨。琬以公孫拜童子郎。辭病不就。知名京師。時司空盛允有疾。瓊遣琬候問。會江夏上蠻賊事副府。原注。後漢書注。副本藩公府也。允發書視畢。微戲琬曰。江夏大邦。而蠻多士少。琬奉手對曰。蠻夷猾夏。責在司空。因拂衣辭去。允甚奇之。稍遷五官中郎將。時陳蕃爲光祿勛。深相敬待。數與議事。舊制光祿舉三署郎。以高功久次。才德尤異者爲茂才。四行。原注。後漢書注。久居官次也。時權富子弟多以人事得舉。而貧約守志者以窮退見遺。京師爲之謠曰。欲得不能。原注。來反。乃光祿茂才。于是琬蕃同

心願用志士平原劉醇、河東朱山、蜀郡殷參等，並以才行蒙舉。蕃、琬遂爲權富郎所見，中傷事下御史中

丞王暢侍御史刁韙、韙暢素重蕃、琬，不舉其事，而左右復陷以朋黨。暢坐左轉議郎，而免蕃官。琬、韙俱禁

錮。原注：蔚宗論曰：古者諸侯歲貢士進，賢受上賞，非賢貶爵士，升之司馬，辨論其才，論定然後官之。任官然後諫

之。故王者得其人，進士勸其行，經邦宏務，所由久矣。漢初詔舉賢良方正，州郡察孝廉秀才，斯亦貢士之方也。

中興以後，復增教機，有道、賢能、直言、獨行、高節、質直、清白、敦厚之屬，榮路既廣，缺望難裁，自是竊名偽服

之徒，泥滯舊方，互相詭譎，循名者屈其短，算實者擬其效，故雄在尙書，天下不敢妄選，十餘年間，稱爲得人。斯亦

效實之徵乎。順帝始以童弱反政，而號令自出，知能任使，故士得用情。天下喁喁，仰其風采，遂乃備元纁玉帛，以聘南

陽樊英，天子降輿殿，設壇席，尙書奉引，延問失得，急登賢之舉，虛降己之禮，于是處士鄙生，忘其拘儒，拂巾衽謁

，以企旌車之招矣。至乃英能承風，俊又成事，若李固周舉之淵謨宏深，左雄黃瓊之政事貞固，相薦揚厚以儒學進，崔

瑗馬融以文章顯，吳祐、蘇章、仲嵩、樂巴牧民之良幹，龐參虞詡，將帥之宏規，王襲、張皓，虛心以推士，張綱、杜

喬，直道以糾違，耶顯陰陽詳密，張衡機術特妙，東京之士，于茲盛焉。向使廟堂納其高謀，疆場宣其智力，帷幄容其

籌，舉措稟其成式，則武宣之軌，豈其遠而詩云：靡不自初，鮮克有終，可爲恨哉。及孝桓之時，碩德繼興，陳蕃

楊秉，處稱賢宰，皇甫張段，出號名將，王暢李膺，彌縫衮闕，朱穆劉陶，獻替匡時，郭有道獎鑒人倫，陳仲弓宏道下

邑。其餘宏儒遠智，高心潔行，激揚風流者，不可勝言。而斯道莫振，文武陵墜，在朝者以正議嬰戮，謝 韙字子榮，事者以黨錮致災，往車雖折，而來軫方道，所以傾而未顧，決而未潰，豈非仁人君子心力之爲乎嗚呼。

謝 韙字子榮

彭城人，後陳蕃被徵，而言事者多訟韙，復拜議郎，遷尙書，在朝有鯁直節，出爲魯東海二郡相，性抗厲，有

明略，所在稱神，常以法度自整，家人莫見情容焉。琬廢棄幾二十年，光和末，太尉楊賜上書薦琬，有撥亂

之材，由是徵拜議郎，擢爲青州刺史，遷侍中。中平初，出爲右扶風，徵拜將作大匠，少府太僕，又爲豫州牧，

時寇賊陸梁，州境彫殘，琬討平之，威聲大震，政績爲天下表，封關內侯，及董卓專政，以琬名臣，徵爲司徒，

遷太尉，更封陽泉鄉侯，卓議遷都長安，琬與司徒楊彪同諫，不從，琬退而駁議之曰：昔周公營洛邑，以寧

姬光武卜東都以隆漢

謹案後漢書作下東都

天之所啓神之所安大業既定豈宜妄有遷動以虧四海之望時人懼

卓暴怒琬必及害固諫之琬對曰昔白公作亂于楚屈廬冒刃而前

原注新序白公勝將弑楚惠王王出亡令尹司馬皆死勝拔劍而厲之于屈廬曰

子與我將舍子不與我將殺子屈廬曰詩有之曰愷悌君子求福不回今子殺子叔父而求福于廬也可乎且吾聞之知命之士見利不動臨死則死是謂人臣之禮故上知天命下知臣道其可劫乎子胡不推之白公勝乃入其劍

焉

崔杼弑君于齊晏嬰不懼其盟

原注左氏傳崔杼弑莊公立景公而相之慶封爲左相盟國人于大宮曰所不與崔慶者晏子仰天歎曰嬰所不惟忠于君利社稷者是與有如上

帝乃

吾雖不德誠慕古人之節琬竟坐免卓猶敬其名德舊族不敢害與楊彪同拜光祿大夫及徙西

都轉司隸校尉與司徒王允同謀誅卓及卓將李傕郭汜攻破長安遂收琬下獄死時年五十二

議曰爽以一龍獨出儒學行義昭焉與郭泰陳寔相高若知不可爲終于不屈則軼太丘之右矣不能遁

卓逆命而自浼焉鬣鬣黃髮泚頰睨目遽登三事公袞之麗不若柴車之澤也就能圖卓以振國命則亦

枉尋直尺矣議者謂荀公急急自勵濡跡以匡時跡旣濡矣時其可匡乎委身其門而欲圖之仁者不爲

不知其時僥倖而出智者不爲力不能拒強勉從之勇者不爲達德皆違爽失正矣此反經合道爲權之

說所以誤天下後世也黃琬以識量登朝巍然鼎輔克壯其猷誅除元惡以死報國不負漢矣

楊彪宏農華陰人高祖功臣赤泉侯喜之後也太尉震生秉秉生賜皆以儒學爲三公德望重天下彪司

空賜之子也曹丕篡代欲以彪爲太尉彪辭曰嘗爲漢朝三公值世衰亂不能立尺寸之益復爲魏臣于

國之選亦不爲榮也不乃止及公卿朝朔旦引彪待以客禮賜延年杖憑几使著布單衣皮弁以見拜光

祿大夫秩中二千石。朝見位次三公。又令門施行馬置吏卒以優崇之。年八十四而薨。

護案。楊彪傳見後漢書。其職遷都。爲曹

操所囚。皆傳中大事。此皆不載。疑爲修大典者所節錄。

議曰。楊氏世濟忠貞。累葉公輔。大臣鉅室。朝廷倚賴。不幸主幼時屯。顛沛流離。間關險阻。跋涉勤勞。可謂共矣。天子已入操手。大事已去。不能閒居衛國。猶以元老自處。一旦幾爲操所殺。而竟殺其子。折辱之餘。視面偷生。視漢三公。而受丕僞爵。賢大夫也。欠漢家一死耳。

贊曰。鉅臣宗儒。四楊八荀。黃髮兩翁。終以失身。琬克徇義。不愧于天。珪璋無玷。生死兩全。



# 續後漢書卷第十三

## 列傳第十

漢臣

盧植 趙岐孫資

謹案此卷傳文全闕。惟存議贊。

議曰。東漢儒衰之盛。幾于三代。而王室賴之安順而下。漢政始紊。時則有袁安、楊震、沖質而下。漢遂衰矣。時則有李固、杜喬。至乎桓靈。王室若綴旒。然時則有盧植、趙岐。二子歿而漢室傾矣。植挾幽朔之氣。高壯質烈。力與寇角。以衛君存國爲己任。有直勇矣。昭烈以門生奮起。豈非義概所激。問學之淵有所自邪。范蔚宗曰。風霜以別草木之性。危亂而見忠良之節。則盧公之心可知矣。夫蠶蠶起懷。雷霆駭耳。雖賁育荆諸。未有不允豫奪常者。當植抽刃嚴關之下。追帝河津之間。排戈刃。赴戕折。豈先計哉。君子之于忠義。造次必于是。顛沛必于是也。岐間關險阻。債抑愈厲。及仗節奉使。而豪傑弭耳聽命。會兵奉迎。疾故之以稽脫事幾。豈非天哉。區區南邁。依國荆楚。齎志以歿。亦云忠矣。嗚呼。植岐皆以大儒之資。挺身不撓。扶藉王室。鯁拉虎口。嬰其兇鋒。使盼瞪而不敢害。且知畏敬焉。嚮令一時風節之士。不軼于黨禍。宏毅抗矯。維持

皇綱。皆如二子。漢室豈遽亡哉。范書以爲岐。著孟子章句。孟軻述仲尼之意。著書七篇。孝文時雖置博士。而大義不明。至岐于復壁中。爲注。章別爲旨。甚得樞要。學者至今宗之。嗚呼。可不謂尙志之士哉。

贊曰。中郎儒將。仗鉞討賊。躬蹈白刃。扞難扈蹕。允矣邠卿。屯聯禍嬰。播宣王靈。扶危柱傾。集義養氣。皆爲大勇。髣髴孟軻。不啻賈董。

# 續後漢書卷第十四

## 列傳第十一

漢臣

徐璆 馬日磾

陳登

太史慈

許劭

徐庶

石韜孟建

謹案徐璆傳闕

馬日磾字翁叔扶風茂陵人南郡太守融之族子也少傳融業以才學徵累遷諫議大夫與楊彪盧植蔡邕等典校中書歷位九卿遂拜太尉獻帝卽位拜太傅錄尚書事初平三年詔遣日磾與太僕趙岐持節奉使拊慰關東俱至袁術許岐守志不撓術憚之岐往河北日磾獨留數有求于術術輕侮之從日磾借節觀之因奪不還條軍中十餘人促使辟之謹案陳志袁術傳注作備軍中千餘人使促辟之誤也日磾謂術曰卿先代諸公辟士云何而至促之謹案志注作而言促之謂公府掾可劫得乎從術求去而術不遣又欲逼爲軍師日磾深自愧恨嘔血而斃術始遣其喪還朝廷議欲加禮少府孔融獨議曰日磾以上公之尊秉旄節之使銜命直指寧輯東夏而曲媚姦臣爲所牽率章表署用輒使首名附下罔上姦以事君昔國佐當晉軍而不撓原注公羊傳曰臺之戰齊師大敗齊侯使國佐如師魯克曰與我紀侯之敵使耕者東其畝以蕭同叔子爲質則吾舍子國佐曰與我紀侯之敵請諾反魯衛之侵地請諾使耕者東其畝則土齊也不可請戰一戰而不勝請再戰

再戰而不勝。請三戰。三戰而不勝。則齊國盡子之有也。何必蕭同叔子爲質。揖而去之。

宜僚臨白刃而正色。

原注。左氏傳。白公勝謂石乞曰。王與二癩士皆五百人當之則可矣。乞曰。不可得也。曰。

市南有熊宜僚者。若得之。可以當五百人矣。乃從白公而見之。與之言說。告之故。辭。承之以劍。不動。勝曰。不爲利諂。不爲威惕。不洩人言以求媚者。去之。

王室大臣豈得以見脅爲辭。又

袁術僭逆。非一朝一夕日。禪隨從周旋歷歲。漢律與罪人交關三日已上。皆應知情。春秋魯叔孫得臣卒。

以不發揚襄仲之罪。貶不書日。

原注。公羊傳。叔孫得臣卒。何休注曰。不日者。知公子遂欲弑君。爲人臣知賊而不言。明當誅也。公子遂。即襄仲也。

鄭人討幽公之亂。

斲子家之棺。

原注。左氏傳。鄭子家卒。鄭人討幽公之亂。斲子家之棺。而逐其族。杜預注曰。斲薄其棺。不使從殯禮。爲其弑君故也。

聖上哀矜舊臣。未忍追案。不宜加禮。

朝廷從之。

議曰。二帝三王。以道爲統。以心爲傳。而不以物。自秦得楚卞氏玉。

原注。韓非子。楚人卞和得玉璞楚山中。獻厲王。王使玉人相之。曰。石也。王以和爲

許。則其左足。及武王卽位。和又獻之。玉人又曰。石也。則其右足。文王卽位。和抱璞哭于楚山下。三日三夜。泣盡而繼之以血。王使人問曰。天下則者多子。奚哭之悲。和曰。吾非悲則也。悲夫寶玉而題之以石。貞士而名之以詐。此

吾所以悲也。王使玉人理其璞。而得寶焉。遂命曰和氏之璧。

琢爲皇帝璽。丞相斯篆其文。秦亡而傳之漢。謂之傳國璽。以璽之所歸。爲天

命之所在。莫不睚眦奪攘。而道統心傳。普不復知。嗚呼。甚哉後世之惑也。董卓之亂。孫堅得之。堅死而入

于袁術。術遂自以爲有天命。且應當塗高之讖。侈然稱帝而不疑。璽誤之也。徐璆脫術之厄。復獻之朝。當

時皆謂漢家神靈在天。護持國璽。而復得之。祚命未可量也。未幾而操丕父子遂盜鼎命。而璽入于魏。魏

自以爲得天統矣。而昭烈嗣漢于蜀。則帝王統紀仍在。于道與心。果不在夫璽也。璆嶽嶽有守。志不可奪。

完節歸漢。卒不污賊。要其義概。雖寄以天下可也。日禪漢室大臣。爲術所留。失節以死。視璆爲有愧矣。

陳登字元龍。下邳淮浦人也。伯祖父球。歷位九卿。甚著風節。父珪。沛相。

原注。後漢書。球字伯真。靈帝時累遷永樂少府。爲曹節所譖。下獄死。子瑀。

吳郡太守。球兄子珪。字漢瑜。濟北相。

登忠亮高爽。沈深有略。慨然以康濟爲己任。雅有文學。舊典羣籍。莫不貫綜。年二

十五。舉孝廉。爲東陽長。養耆育孤。視民如傷。時歲荒。民飢。州牧陶謙表登爲典農校尉。乃巡土田之宜。盡鑿溉之利。秬稻豐積。謙卒。登與別駕糜竺率州人迎昭烈。領徐州。及呂布攻昭烈。據州。因從布。初登父珪欲遣登詣曹操。自結不許。及朝廷使至。加布封爵。布乃令登奉章詣許。謝恩。登見操。因陳布勇而無義。輕于去就。宜早圖之。操曰。布狼子野心。誠難久養。非卿莫能究其情偽。卽增珪秩中二千石。拜登廣陵太守。臨別操執登手曰。東方之事。便以相付。令登陰合部衆。以爲內應。始布因登求徐州牧。登還。布怒。拔戟斫机曰。卿父勸吾協同曹公。絕婚公路。今吾所求無獲。而卿父子並顯重。爲卿所賣爾。卿爲吾言。其說云何。登不爲動容。徐喻之曰。登見曹公言。待將軍譬如養虎。當飽其肉。不飽則將噬人。公曰。不如卿言。譬如養鷹。飢則爲用。飽則揚去。其言如此。布意乃解。登赴廣陵。治射陽。明審賞罰。宣布威信。海賊薛州以萬戶歸命。未及期年。政化大行。百姓畏而愛之。登曰。此可用矣。操到下邳。登率郡兵爲先驅。時登諸弟在城中。布質執以求和。登意不回。進圍日急。布刺姦張宏。夜將登三弟出。就登。布誅。登以功拜伏波將軍。甚得江淮間心。于是有吞滅江南之志。辟東陽陳矯爲功曹。使矯詣許。謂曰。許下論議。待吾不足。足下相爲觀察。還以見誨。矯還曰。聞遠近之論。頗謂明府驕而自矜。登曰。夫閨門雍穆。有德有行。吾敬陳元方。兄弟淵清。玉

潔有禮有法。吾敬華子魚。清修疾惡。有識有義。吾敬趙元達。博聞強記。奇逸卓犖。吾敬孔文舉。雄姿傑出。有王霸之略。吾敬劉玄德。所敬如此。何驕之有。餘子瑣瑣。亦焉足錄哉。初孫策領會稽太守。詔與吳郡太守安東將軍陳瑀呂布協規討袁術時。瑀屯海西。行到錢塘。陰圖襲策。遣都尉萬演等持印綬授丹陽宣城諸險縣。大帥祖郎焦已及吳郡烏程嚴白虎等使爲內應。策覺之。攻瑀于海西。大破之。獲其吏士妻子。瑀單騎走冀州。歸袁紹。登瑀之從兄子也。策西擊黃祖。登復遣間使齎印綬誘嚴白虎等。餘黨圖策。以報瑀仇。策還。乘曹袁相拒于官渡。欲襲許迎天子。恐登復擾于內。故先擊登。至丹徒。爲許貢客所殺。孫權統業。謹案。孫權。魏志。呂布傳注。作孫策。誤。遣兵圍登於匡琦。旌甲覆水。羣下咸以權衆十倍于郡兵。懼不能抗。可引軍避之。與其空城。既無所獲。復不能陸處。必自引去。登厲聲曰。吾受國命。來鎮此土。昔馬文淵之在斯位。能南平百越。北滅羣狄。吾既不能遇除凶惡。又可逃寇耶。吾當竭命以報國。仗義以整亂。天道與順。克之必矣。乃閉門示弱。將士銜聲。寂若無人。權兵疑畏。不敢進。登望之曰。可擊矣。遂開門突出。直指其營。縱兵攻之。權兵大敗。馘虜萬數。權不勝憤。復大興師衆來攻。登使陳矯求救于曹操。密去城十里。夜廣張火。若大軍到。因多鼓鈞聲譟以攻之。權兵驚潰。既而矯以救兵至。登復設覆攻權。權敗走。追擊大破之。斬首萬餘級。權遂退。徙東城太守。廣陵吏民佩其恩德。共拔郡隨登。老弱襁負而追之。登諭令還曰。太守在郡。類致吳寇。幸而克濟。諸君何患無令君乎。未幾卒。年三十九。登屢言于操。當亟圖孫氏。爲陳計策。操不能用。其後權

遂跨有江外。操每臨江而歎。恨不早用登計。曹丕篡代。以登子肅爲郎中。後許汜與昭烈並在荊州。牧劉表坐。表與昭烈共論天下士。汜曰。陳元龍湖海之士。豪氣不除。昭烈謂表曰。許君論是非。表曰。欲言非。此君爲善士。不宜虛言。欲言是。元龍名重天下。昭烈問汜。君言豪寧有事邪。汜曰。昔遭亂過下邳。見元龍無客主之意。又不相與語。自上大牀臥。使客臥下牀。昭烈曰。君有國士之名。今天下大亂。帝主失所。望君憂國忘家。有救世之意。而君求田問舍。言無可采。是元龍所諱也。何緣當與君語。如小人欲臥百尺樓上。臥君于地。何但上下牀之間邪。表大笑。昭烈因言曰。若元龍文武膽志。當求之于古爾。造次難得比也。

謹案陳登傳議闕

太史慈字子義。東萊黃人也。少好學。仕郡奏曹史。會郡與州有隙。曲直未分。以先聞者爲善。時州章已去。郡守恐後之。求可使者。慈年二十一。以選行。晨夜取道。至洛陽。詣公車門。見州吏使欲求通。慈問曰。君欲通章邪。吏曰。然。問章安在。曰。車上。慈曰。章題署得無誤邪。取來視之。殊不知其東萊人也。爲取章。慈已先懷刀。使截敗之。吏踴躍大呼。言人壞我章。慈將至車間。與語曰。向使君不以章相與。吾亦無因得敗之。是爲吉凶禍福等爾。吾不獨受此罪。豈若嘿然俱出亡。何爲俱就刑辟。吏言君爲郡敗。吾章已得如意。欲復亡。爲慈答曰。初受郡遣。但來視章。通與未爾。吾用意太過。乃相敗章。今還亦恐以此見譴。故俱欲去爾。吏然慈言。卽日俱去。慈旣與出城。因遁還。通郡章。州家聞之。更遣吏通章。有司以格章故。不復見理。州受其

短由是知名。而爲州家所疾。恐受禍。乃遁之遼東。北海相孔融聞而奇之。數遣人訊問其母。并致餉遺。時融以黃巾寇暴。出屯都昌。爲賊管亥所圍。慈從遼東還。母謂慈曰。汝與孔北海未嘗相見。至汝行後。瞻恤殷勤。過于故舊。今爲賊所圍。汝宜赴之。慈留三日。單步竟至都昌。時圍尙未密。夜伺間隙。得入見融。因求兵出斫賊。融不聽。欲待外救。而圍日偪。時昭烈爲平原相。融欲告急。城中人無由得出。慈自請求行。融曰。今賊圍甚密。衆人皆言不可。卿意雖壯。無乃實難乎。慈對曰。昔府君傾意于老母。老母感遇。遣慈赴府君之急。固以慈有可取而來。必有益也。今衆人言不可。慈亦言不可。豈府君愛顧之義。老母遣慈之意。邪。事已急矣。願府君無疑。融乃然之。于是嚴行蓐食。須明。便帶鞬攝弓上馬。將兩騎自隨。各作一的持之。開門直出外圍。下左右人並驚駭。兵馬互出。慈至城下塹內。植所持的各一出射之。射畢。徑入門。明晨復出。如此圍下人。或起或臥。慈復植的射之。畢復入門。明日復出。無復起者。于是鞭馬直突圍中。馳去。比賊覺。慈行已過。又射殺數人。皆應弦而倒。故無敢追者。遂到平原。說昭烈曰。慈東萊之鄙人也。與孔北海親。非骨肉。比非鄉黨。特以名志相好。有分災共患之義。今管亥暴亂。北海被圍。孤窮無援。危在旦夕。以君有仁義之名。能救人之急。故北海區區延頸恃仰。使慈冒刃突重圍。萬死中自託于君。惟君所以存之。昭烈斂容曰。孔北海知世間有劉備邪。卽遣精兵三千隨慈。賊聞兵至。解圍散走。融旣得濟。益奇貴慈。曰。卿吾之少友也。事畢。還啓其母。母曰。我喜汝有以報孔北海也。揚州刺史劉繇與慈同郡。慈自遼東還。未與相見。暫



度江到曲阿見繇未去會孫策至或勸繇可以慈爲大將繇曰我若用子義許子將不當笑我邪但使慈偵視輕重時獨與一騎卒謹案陳志作二騎卒通志作一與此同遇策于神亭策從騎十三皆韓當宋謙黃蓋輩也慈便

前鬪正與策對策刺慈馬而擊慈項上手戟慈亦得策兜鍪會兩家兵騎並各來赴于是解散慈乃與繇俱奔豫章而遁于蕪湖亡入山中稱丹陽太守是時策已平定宣城以東惟涇以西六縣未服慈因進住

涇縣立屯府大爲山越所附策躬自攻討遂見執策卽解縛捉其手曰寧識神亭時耶若卿爾時得我云何慈曰未可量也策大笑曰今日之事當與卿共之聞卿昔爲太守劫州章赴孔文學詣劉元德皆有烈

義天下智士也但所託未得其人爾射鈞斬袂古人不嫌原注史記齊人殺無知讎立君高國先陰召小白于莒魯聞無知死亦發兵送公子糾而使管仲別將兵

遮莒道射中小白帶鈞小白佯死入立使魯殺子糾使管仲爲大夫任以國政左氏傳孤是卿知己勿憂不

如意也卽署門下督出教曰龍欲騰翥先階尺木者也原注吳歷云慈于神亭戰敗爲策所執策素聞其名卽解縛請見各問進取之術慈答曰破軍之將不足與

論事策曰昔韓信定計于廣武今策決疑于仁者君何辭焉慈曰州軍新破士卒離心若倘分散難復合衆欲出宣恩安集恐不合尊意策長跪答曰誠本心所望也明日中望君來還諸將皆疑策曰太史子義青州名士以

信義爲先終不欺策明日大請諸將預設酒食立竿觀影日中而慈至策大悅常與參論諸軍事裴松之曰吳歷云慈于神亭戰敗爲策所得與本傳大異疑爲謬誤會劉繇卒于豫章士衆萬

餘人欲奉豫章太守華歆爲主歆以爲因時擅命非人臣所宜衆守之連月卒謝遣之其衆未有所附策

命慈往撫安之謂慈曰劉牧往責吾爲袁氏攻廬江其意頗猥理恕不足何者吾先君兵數千人盡在袁

氏公路許吾志在立事安得不屈意于公路以求之乎再往纔得千餘人耳其後不遵臣節謹案陳志作不達臣節通

志作不遵。作邪僭事。諫之不從。丈夫義交。苟有大故。不得不離。吾交公路及絕之本末如此。今劉牧喪亡。與此合。恨不及其生時與共論辨也。其兒子在豫章。不知華子魚待遇何如。其故部曲依隨之否。卿往視之。并宣孤意。于其部曲樂來者與俱來。不樂來者且安慰之。并觀華子魚所以牧御方規何如。廬陵鄱陽人民親附之否。卿須幾兵多少隨意。慈曰。慈有不赦之罪。將軍量同桓文。當盡死以報德。今並息兵。兵不宜多。將數十人自足往還也。左右皆曰。慈未可信。慈與華子魚州里。必留爲籌策。或西託黃祖。假路北還。策曰。孤斷之詳矣。子義雖氣勇有膽烈。然非縱橫之人。志經道義。貴重然諾。一以意許知己。死亡不相負。諸君勿復憂也。子義舍我。當復誰從。餞送閭門。把腕別曰。何時能還。答曰。不過六十日。慈果如期而反。謂策曰。華子魚良德也。然無他方規。自守而已。又丹陽僮芝。自擅廬陵。詐言被詔書爲太守。鄱陽民帥別立宗部。阻兵守界。不受子魚所遣長吏。言我已別立郡。須朝廷遣真太守來。當迎之爾。子魚不但不能諧廬陵鄱陽。近自海昏有上繚壁五六千家相結聚作宗伍。惟輸租布于郡爾。發召一人。遂不可得。子魚得覩視之而已。策拊掌大笑。乃有兼并之志。頃之遂定豫章。劉表從子磐驍勇。數爲寇于艾西安諸縣。策于是分海昏建昌左右六縣。以慈爲建昌都尉。治海昏。并督諸將拒磐。磐絕跡不復爲寇。慈長七尺七寸。美鬚髯。猿臂善射。弦不虛發。嘗從策討麻保賊。賊于屯裏緣樓上行。以手持樓。慈引弓射之。矢貫手著。圍外萬人莫不稱善。曹操聞其名。遺慈書。以篋封之。發省無所道。而但貯當歸。慈不答。孫權統事。以慈能制磐。遂

委南方之事。年四十一。建安十一年卒。臨終歎曰。丈夫生世。當帶七尺之劍。升天子之階。今志不從。奈何而死乎。權甚悼惜之。子亨。字元復。仕吳。歷尚書。越騎校尉。吳郡太守。

議曰。慈篤于信義。以氣相許。穿徹勁挺。克復其言。亦田疇輩流也。終委身孫氏。受其驅策。以不能爲王爪士。咄嗒自恨。銜憤以死。其志可哀已。謹案。太史慈輔孫策。雖其事權日淺。實爲吳臣。陳志列于吳書是矣。此因其臨沒之言。引爲漢臣。未免偏執。

謹案。目錄此下有許劭傳。今闕。止存議。

議曰。處士盡矣。漢已亡矣。劭猶硜硜。以吻頰爲能。揭揭焉爲月旦評。奔走奪命。幸而獲免。豈尙德之士哉。漢之盛也。公卿恥言人過。漢之衰也。士以口舌競爲人目。觀治體者。可以爲戒矣。

謹案。目錄此下有徐庶傳。今闕。議亦闕。又通卷闕贊。



# 續後漢書卷第十五

## 列傳第十二

漢臣

諸葛亮

諸葛亮字孔明琅邪陽都人司隸校尉豐之後也父珪字君貢漢末爲太山郡丞亮早孤袁術署亮從父

元爲豫章太守元將亮及亮弟均之官會朝廷更選朱皓代元元與荊州牧劉表有舊往依之原注獻帝春秋曰初

豫章太守周術病卒劉表上諸葛元爲豫章太守治南昌漢朝聞周術死遣朱皓代元皓從揚州刺史劉繇求元卒亮居

襄陽隆中躬耕隴畝好爲梁甫吟原注漢晉春秋曰亮家于南陽之鄧縣在襄城西二十里號曰隆中梁甫吟曰

力能排南山文能絕地紀一朝被讒言二桃殺三士誰能爲此謀相國齊晏子或曰此吟專譏晏子以二桃殺三士

吟之意固不在融也蓋傷漢季名士往往失身于人爲閹豎賊身長八尺姿貌甚偉每自比管仲樂毅時人莫之

許也惟博陵崔州平潁川徐庶元直與亮友善謂爲信然原注案崔氏譜州平太尉烈子均之弟也魏

汝南孟公威等俱游學三人務于精熟而亮獨觀其大略每晨夜從容常抱膝長嘯而謂三人曰卿三人仕進可至刺史

郡守也三人問其所志亮但笑而不言後公威思鄉里北歸亮謂之曰中國饒士丈夫遨遊何必故鄉邪裴松之曰魏略此言謂諸葛亮爲公威計者可也若謂兼爲己言可謂未達其心矣老氏稱知人者智自知者明凡在賢達之流固必兼而有焉以諸葛亮之鑒識豈不能自審其分乎夫其高吟俟時情見乎辭志氣所存既以定于其始矣若使游

步中華。聘其龍光。豈夫多士所能沈翳哉。委質魏氏。展其器能。誠非陳長文司馬仲達所能頡頏。而況于餘哉。苟不患功業不就。道之不行。雖志恢宇宙而終不北向者。蓋以權御已移。漢祚將傾。方將翊贊宗傑。以興微繼絕。克復爲己任也。豈其區區利在邊鄙而已乎。此相如所謂鸚鵡已翔于遼廓。而羅者猶視于蔽澤者矣。公威名遠。在魏亦貴達。張栻忠武侯傳。河南黃承彥謂亮。聞君擇婦。身有醜女。才堪相配。亮許。即載送之。時人爲之諺曰。莫學孔明擇婦。正得阿承醜女。謹案。傳內引張栻胡寅二書爲注。與他卷體例稍異。疑修永樂大典者所增。然考此二書在郝書之前。或係原本所有。亦未可定。姑仍之。時天下大亂。豪傑割據方州。辟用知名士。亮深自晦。不求聞達。昭烈在荊州。訪士於襄陽。司馬徽曰。儒生俗士。豈識時務。識時務者在乎

俊傑。此間自有伏龍鳳雛。昭烈問爲誰。曰。諸葛孔明龐士元也。徽清雅有知人鑒。同縣龐德公隱德不仕。有重名。徽兄事之。亮每至德公家。獨拜牀下。德公初不令止。德公從子統。少時樸鈍。未有識者。惟德公與徽重之。德公嘗謂亮爲臥龍。統爲鳳雛。徽爲冰鑑。故徽與昭烈語稱之。徐庶見昭烈于新野。昭烈器之。庶曰。諸葛孔明臥龍也。將軍豈願見之乎。昭烈曰。君與俱來。庶曰。此人可就見。不可屈致也。將軍宜枉駕顧之。由是昭烈遂詣亮。凡三往。乃見。因屏人曰。漢室傾頽。姦臣竊命。主上蒙塵。孤不度德量力。欲信大義于天下。而智術短淺。遂用猖獗。至于今日。然志猶未已。君謂計將安出。亮曰。自董卓以來。豪傑並起。跨州連郡者。不可勝數。曹操比于袁紹。則名微而衆寡。然操遂能克紹。以弱爲強者。非惟天時。抑亦人謀也。今操已擁百萬之衆。挾天子以令諸侯。此誠不可與爭鋒。孫權據有江東。已歷三世。國險而民附。賢能爲之用。此可以爲援。而不可圖也。荊州北據漢沔。利盡南海。東連吳會。西通巴蜀。此用武之國。而其主不能守。此殆天所以資將軍也。將軍豈有意乎。益州險塞。沃野千里。天府之土。高祖因之以成帝業。劉璋闇弱。張魯

在北民殷國富而不知存卹。智能之士。思得明君。將軍既帝室之胄。信義著于四海。總攬英雄。思賢如渴。若跨有荊益。保其巖阻。西和諸戎。南撫夷越。外結好孫權。內修政理。天下有變。則命一上將將荊州之軍。以向宛雒。將軍身率益州之衆。出于秦川。百姓孰敢不箝食壺漿。以迎將軍者乎。誠如是。則霸業可成。漢室可興矣。昭烈曰。善。于是與亮情好日密。關羽張飛等不悅。昭烈解之曰。孤之有孔明。猶魚之有水也。願諸君勿復言。羽飛乃止。原注。魏略。劉備屯于樊城。是時曹公方定河北。亮知荊州次當受敵。而劉表性緩。不曉軍獨留。備亦不問其所欲言。備性好結託。時適有人以鬻牛尾與備者。備因手自結之。亮乃進曰。明將軍當復有遠志。但結託而已邪。備知亮非常人。乃投託而答曰。是何言與。我聊以忘憂耳。亮遂言曰。將軍度劉鎮南孰與曹公邪。備曰。不及。亮又曰。將軍自度何如也。備曰。亦不如也。曰。今皆不及。而將軍之衆不過數千人。以此待敵。得無非計乎。備曰。我亦愁之。當若之何。亮曰。今荊州非少人也。而著籍者寡。平居發調。則人心不悅。可語鎮南。令國中凡有游戶皆使自實。因錄以益衆可也。備從其計。故衆遂強。備由此知亮有英略。乃以上客禮之。九州春秋所言亦如之。裴松之曰。亮表云。先帝不以卑鄙。猥自枉屈。三顧臣于草廬之中。諸臣以當世之舉。則非亮先詣備明矣。雖聞見異辭。各生彼此。然乖背至是。亦良爲可怪。蜀志云。劉表長子琦。亦深器亮。表受後妻之言。愛少子琮。不悅于琦。琦每欲與亮謀自安之術。亮輒拒塞。未與處畫。琦乃將亮游觀後園。共上高樓。飲宴之間。令人去梯。因謂亮曰。今日上不至天。下不至地。言出口。入于吾耳。可以言否。亮答曰。君不見申生在內而危。俄而劉表卒。表子琮聞曹操來征。遣重耳在外而安乎。琦意感悟。陰規出計。會黃祖死。得出。遂爲江夏太守。亮從之。操追及昭烈。昭烈棄輜重奔夏口。亮曰。事急使請降。昭烈在樊聞之。率衆南行。原注。張拭忠武侯傳云。明年。表卒。琮立。會曹操南侵。琮遣使迎降。而不以告。操兵至宛。左將軍始聞之。亮說左將軍曰。攻琮荊州可有也。左將軍不忍。乃引去。荆人多歸之。衆至十餘萬。操引精騎急追。亮從之。操追及昭烈。昭烈棄輜重奔夏口。亮曰。事急矣。請奉命求救于孫將軍。時權擁兵在柴桑。觀望成敗。原注。胡寅斐然集曰。權宿仰先主大名。又觀亮頭偉。甚敬重之。亮說權曰。海內大亂。將軍起兵。據有江東。劉豫州亦收衆漢南。與曹操並爭天下。今操芟夷大難。略已平矣。遂破荊州。威震

四海英雄無所用武。故豫州遁逃至此。將軍量力而處之。若能以吳越之衆與中國抗衡。不如早與之絕。若不能當。何不案兵束甲。北面而事之。今將軍外託服從之名。而內懷猶豫之計。事急而不斷。禍至無日矣。權曰。苟如君言。劉豫州何不遂事之乎。亮曰。田橫齊之壯士。爾猶守義不辱。況劉豫州王室之胄。英才蓋世。衆士慕仰。若水之歸海。事之不濟。此乃天也。安能復爲之下乎。權勃然曰。吾不能舉全吳之地。十萬之衆。受制于人。吾計決矣。非豫州莫可以當曹操者。然豫州新敗之後。安能抗此難乎。亮曰。豫州軍雖敗于長坂。今戰士還者。及關羽水軍精甲萬人。劉琦合江夏戰士亦不下萬人。曹操之衆。遠來疲弊。聞追豫州。輕騎一日一夜行三百餘里。此所謂強弩之末。勢不能穿魯縞者也。故兵法忌之。曰。必蹶上將軍。且北方之人。不習水戰。又荊州之民附操者。逼兵勢耳。非心服也。今將軍誠能命猛將統兵數萬。與豫州協規同力。破操必矣。操軍破必北還。如此則荆吳之勢強。鼎足之形成矣。成敗之機。在于今日。權大悅。即遣周瑜、程普、魯肅等將水軍三萬隨亮詣昭烈。并力拒操。原注。袁子曰。張子布薦亮于孫權。亮不肯留。人間其故。以不留。裴松之曰。袁孝尼著文立論。甚重諸葛之爲人。至如此言。則失之殊遠。觀亮君臣相遇。可謂希世一時。始終之分。誰能間之。寧有中違斷金。甫懷擇主。設使權然其量。便當翻然去就乎。葛生行己。豈其然哉。關羽爲曹公所獲。遇之甚厚。可謂能盡其用矣。猶養大敗操于赤壁。操引軍遁歸。昭烈遂收江南諸郡。以亮爲軍師中郎將。督零陵、桂陽、長沙三郡。調其賦稅以充軍實。原注。零陵先賢傳。亮時住臨蒸。建安十六年。益州牧劉璋遣法正迎昭烈。使擊張魯。昭烈留亮與關羽鎮荊州。由江州赴成都。北討張魯。自葭萌還。攻璋。亮與張飛、趙雲等率衆奔



江分定郡縣。與昭烈共圍成都。成都平。以亮爲軍師將軍。署左將軍府事。

原注。張拭忠武侯傳云。于是並用羣才。凡劉璋所嘗授任。及其婚姻

與所排擯忌恨。悉別其器能。處以顯任。有志之士。無不競勸。胡寅斐然集。建安十六年。先主攻益州。亮關羽留鎮荆州。居無何。亮率張飛趙雲等泝江而上。分定州郡。會圍成都。劉璋遂降。宜城馬良致書于亮曰。聞雒城已拔。此天降也。明公應期贊世。配樂光國。魄兆見矣。夫變用雅慮。審貴垂明。予以簡才。宜適其時。若乃和光悅遠。馮德天壤。使時閑于聽。世服于道。齊高妙之音。正鄭衛之聲。並利于事。無相奪倫。此乃管絃之至牙曠之調也。雖非鍾期。敢不擊節。

昭烈外出。亮常鎮守成都。足食足兵。亮刑法峻急。上下震恐。法正諫曰。昔高祖入關。約法三章。秦民知德。今君假借威力。跨據一州。初有其民。未垂惠撫。且客主之義。宜相降下。願緩刑弛禁。以慰其望。亮答曰。君知其一。未知其二。秦以無道。政苛民怨。匹夫大呼。天下土崩。高祖因之。可以宏濟。劉璋闇弱。自焉以來。有累世之恩。文法羈縻。互相承奉。德政不舉。威刑不肅。蜀土人士。專權自恣。君臣之道。漸以陵替。寵之以位。位極則賤。順之以恩。恩竭則慢。所以致弊。實此之由。今吾威之以法。法行則知恩。限之以爵。爵加則知榮。恩榮並濟。上下有節。爲治之要。于斯而著。二十四年。曹操來爭漢中。昭烈拒卻之。亮以高祖以漢王。王漢中。出定三秦。遂有天下。乃率羣下。上昭烈爲漢中王。二十五年。獻帝廢降。曹丕篡代。羣下勸昭烈正位號。昭烈未許。亮說曰。昔吳漢耿弇等。初勸世祖卽帝位。世祖辭讓。前後數四。耿純進言曰。天下英雄。喁喁冀有所望。如不從議者。士大夫各歸求主。無爲從公也。世祖感純言深至。遂然諾之。今曹氏篡漢。天下無主。大王劉氏苗族。紹世而起。今卽帝位。乃其宜也。士大夫隨大王久勤苦者。亦欲望尺寸之功。如純言爾。昭烈于是卽皇帝位。策亮爲丞相。曰。朕遭家不造。奉承天統。兢兢業業。不敢康寧。思靖百姓。懼未能綏。

於戲丞相亮其悉朕意無怠輔朕之闕助宣重光以昭明天下君其勗哉

原注。張栻忠武侯傳。于是置百官立宗廟。禘祭高皇帝以下。皆亮

實左右之。是歲秋。帝忿關羽之敗。帥諸軍伐吳以報怨。亮留守成都。明年春。亮聞帝兵敗還永安。歎曰。使法孝直在。必能諫上不東行也。亮以丞相錄尚書事假節張飛卒後領

司隸校尉。原注。蜀記。晉初扶風王駿鎮關中。司馬高平劉寶。長史榮陽桓隲諸官屬士大夫。共論諸葛亮。于時談者。論者感焉。條亮五事隱沒不聞于世者。寶等亦不能復難。扶風王慨然善沖之言。裴松之曰。亮之異美。誠所願聞。然沖

之所說。實皆可疑。謹隨事難之如左。其一事曰。亮利法峻急。刺剝百姓。自君子小人。咸懷怨歎。法正諫云云。與前

本文同。難曰。按法正在劉主前死。今稱法正諫。則劉主在也。諸葛職為股肱。事歸元首。劉主之世。亮未領益州。慶

賞刑政。不出于己。尋沖所述亮答。專自有其能。有遠人臣自處之宜。以亮謙順之體。殆必不然。又云。亮利法峻急。慶

未聞善政以刺剝為稱。其二事曰。曹公道刺客見劉備。方得交接。開論伐魏形勢。甚合備計。稍欲親近。刺者尚未得

便。會既而亮入。魏客神色失措。亮因而察之。亦知非常人。須臾客如廁。備謂亮曰。向得奇士。足以助君補益。亮問

所在。備曰。起者其人也。亮徐歎曰。觀客色動而神懼。視低而忤。數。數形外漏。邪心內藏。必曹氏刺客也。追之已越

牆而走。難曰。凡為刺客。皆暴虎馮河。死而無悔者也。劉主有知人之鑒。而惑于此客。則此客必一時之奇士也。又謂

亮云。足以助君補益。則亦諸葛之流亞也。凡如諸葛之德。鮮有為人作刺客者矣。時主亦當惜其器用。必不投之死地也

。且此人不死。要應顯達為魏。竟是誰乎。何其寂蔑而無聞。世期辨沖二事。其刺客一節則得之。法正比昭烈即位。

已卒。且諸葛亮未領益州為不然。時昭烈取益州。以亮為軍師將軍。署左將軍府事。鎮守成都。以為璋父子威令不

行。將驕卒情。故厲威嚴以與亮激厲。救弊之政也。其答正之語。得為治之要矣。豈必即位領益州然後為之哉。章

武三年。昭烈于永安病篤。召亮于成都。託以後事。謂亮曰。君才十倍曹丕。必能安國。終定大事。若嗣子可

輔則輔之。如其不才。君當自取。亮涕泣曰。臣敢不竭股肱之力。效忠貞之節。繼之以死。原注。蜀志曰。先主

與丞相從事。事之如父。孫盛曰。夫仗道扶義。體存信順。然後能匡主濟功。終定大業。語曰。弈者舉棋不定。猶不勝

其偶。況量君之才。而二三其節。何以摧服強鄰。囊括四海者乎。備之命亮。亂執此焉。世或有謂欲以固委付之誠。且以

一蜀人之志。君子曰。不然。苟所寄忠賢。則不須若斯之誨。如非其人。不宜啓篡逆之塗。是以古之順命。必詒誡言。

生疑隙不逞之聲。謂之為權。不亦惑哉。昭烈與亮君臣之間。落落誠盡。雖成湯之子。昭烈崩。亮以喪還成都。末帝

建興元年封亮武鄉侯。開府治事。頃之。又領益州牧。政無巨細。咸決于亮。亮乃約官職。修法制。發教與羣。下曰。夫參署者。集衆思。廣忠益也。若遠小嫌。難相違覆。曠闕損矣。違覆而得中。猶棄敝蹻而獲珠玉。然人心苦不能盡。惟徐元直處茲不惑。又董幼宰參署七年。事有不至。至于十反。來相啓告。苟能慕幼宰之十反。元直之殷勤。有忠于國。則亮可少過矣。又曰。昔初交崔州平。屢聞得失。後交元直。勤見啓誨。前參事于幼宰。每言則盡。後從事于偉度。數有諫止。雖資性鄙暗。不能悉納。然與此四子終始好合。亦足以明其不

疑于直言也。

原注。張拭忠武侯傳。幼宰名和。贊與亮同署左將軍府事。偉度。亮主簿胡濟也。自昭烈駐永安。吳人

吳好。亮曰。吾思之久矣。未得其人耳。今始得之。芝問誰。亮曰。卽使君也。因遣芝往。孫權通好如初。亮引一時名士。如蔣琬張裔等。皆入丞相幕府。又妙簡舊德。使佐益州。于是以秦宓爲別駕。五梁爲功曹。杜微爲主簿。譙周爲勸

學從事。皆行義素著。鄉里敬慕之。杜微者。節尤高。自先主定蜀。微常稱病。閉戶不出。及亮辟置。輿而致之。既至。力求去。亮于座與書曰。曹丕篡殺自立。是猶土龍芻狗之有名也。欲與羣賢因其邪僞以正道滅之。丕方大興勞役。以

向吳楚。今因不多務。且閉墾勸農。育養民物。並治甲兵。以待其挫。然後伐之。可使兵不戢民。不勞而天下定也。君但當以德輔時。不責君軍事。何爲汲汲求去。微乃留。亮更薦爲諫議大夫。

夏牂牁太守朱褒據郡反。原注。魏氏春秋。初益州從事常房行部。聞褒有異志。收其主簿按問。殺之。褒怒。攻殺房。誣以謀反。諸葛

澄察。安有妄殺不辜。以悅姦惡。斯殆妄矣。先是益州大姓雍闓反。殺太守正昂。又執太守張裔與吳吳以闓爲永昌太守。闓使

孟獲誘扇諸夷。牂牁太守朱褒。越嶲夷王高定。皆叛應闓。亮以新遭大喪。故未卽加兵。原注。胡寅斐然集。初孫權聞先主住白帝。使大夫鄭泉來聘。蜀亦遣人相與報答。及先主殞。亮策權有異計謀。欲聘之而未發也。于是鄧芝見亮曰。上幼弱。初在位。宜遣人重申吳好。亮答曰。吾思之久矣。未得其人。今日始得之耳。芝問其人誰。亮曰。卽使君也。因遣芝修好于權。權果狐疑。不時見芝。芝請面陳與蜀唇齒之計。權乃絕魏。與蜀申盟。自後和親。遂爲與國。亮將自南征。長史王連力諫。以爲此不毛之地。疫癘之鄉。而丞相一國之望也。不宜冒險而行。亮度諸將才不及已。意欲必往。而連

晉輒懸至。故稽留久之。務農植穀。閉關息民。民安食足。而後用之。魏華歆。王朗。陳羣。許芝。諸葛璋。各以書與亮。陳天

命人事。欲使舉國稱藩。亮不報書。作正議曰。昔在項羽。起不由德。雖處華夏。秉帝者之勢。卒就梟夷。爲後

永戒。魏不審鑒。今次之矣。免身爲幸。戒在子孫。而二三子各以耆艾之齒。承僞指而進書。有若崇竦稱莽

之功。亦將偪于元禍。苟免者邪。原注。漢書陳崇爲大司徒司直。與張敞孫竦相善。竦爲崇草奏。稱莽功德。崇奏之。昔世祖創迹舊基。奮羸卒數千。摧

莽強旅四十餘萬于昆陽。原注。後漢書。莽遣大司徒王尋。大司空王邑。將兵百萬。其甲士四十二萬人。到潁川。與嚴尤陳茂合圍昆陽。數十重。光武將數千兵。與營部俱進。衝其中堅。尋邑陣亂。乘銳崩

之。遂殺王尋。王邑。嚴尤。陳茂。輕騎遁去。莽兵大潰。夫據道討淫。不在衆寡。及至孟德。以其譎勝之力。舉數十萬之師。救張郃于陽

平。勢窮慮悔。僅能自脫。卬其鋒銳。遂喪漢中。深知神器不可妄獲。旋反未至。感毒而死。子桓淫逸。繼之以

篡。縱使二三子多逞蘇張詭靡之說。奉進驩兜滔天之辭。欲以誣毀唐帝。諷解禹稷。徒喪文藻。煩勞翰墨。

大人君子所不爲也。軍誠曰。萬人必死。橫行天下。昔軒轅氏整卒數萬。制四方。定海內。況以數十萬之衆。

據正道而臨有罪。可得干擬者哉。于是遣使聘吳。因結和親。相與擯魏。三年春。亮率衆南征。原注。志注曰。詔賜亮金鈇

一具。曲蓋一。前後羽葆鼓吹各一。部虎賁六十人。事在亮集。參軍馬謖送之。亮曰。雖共謀之。歷年。今可更惠良規。謖曰。南中恃其險遠。

不服久矣。今日破之。明日復反。爾今公方傾國北伐。以事強賊。彼知官勢內虛。其叛亦速。若殄盡遺類。以

除後患。旣非仁者之情。又且不可倉卒也。夫用兵之道。攻心爲上。攻城爲下。心戰爲上。兵戰爲下。願公服

其心而已。亮納其言。秋七月。亮至南中。所在克捷。由越嶲入。斬雍闓及高定。使庾原注。力才反。降督益州。李恢

由益州入門下督巴西馬忠由牂牁入擊破諸縣復與亮合孟獲收闔餘衆以拒亮獲素爲夷漢所服亮  
募生致之既得使觀于營陳之間問曰此軍何如獲曰向者不知虛實故敗今蒙賜觀營陳若祇如此即  
定易勝爾亮笑縱使更戰七縱七擒而亮猶遣獲獲止不去曰公天威也南人不復反矣亮遂至滇池益  
州永昌牂牁越巂四郡皆平卽其渠率而用之或以諫亮亮曰若留外人則當留兵兵留則無所食一不  
易也夷新傷破父兄死喪留外人而無兵者必成禍患二不易也又夷累有廢殺之罪自嫌費重若留外  
人終不相信三不易也今吾欲使不留兵不運糧而綱紀粗定夷漢粗安爾于是悉收其俊傑孟獲等以  
爲官屬出其金銀丹漆耕牛戰馬以給軍國之用自是終亮之世夷不復反乃治戎講武以俟大舉原注  
試忠武侯傳十二月亮遷至成都治戎講武以俟大舉方是時田疇辟倉廩實法度修立軍旅整理工械技巧物  
究其極吏不容姦人懷自厲強不侵弱朝會不譁道不拾遺亦無醉人其餘力所及官府次舍橋梁路道無不  
繕理五年三月亮統諸軍將北駐漢中帝下詔曰朕聞天地之道福仁而禍淫善積者昌惡積者喪古今常數也  
是以湯武修德而王桀紂極暴而亡曩者漢祚中微網漏凶惡董卓造難震蕩京畿曹操階禍竊執天衡殘割海內  
懷無君之心子丕孤豎致尋亂階盜據神器更姓改物世濟其凶當此之時皇極幽昧天下無主則我奉命預  
越于下昭烈皇帝體明睿之德光演文武應乾坤之運出身平難經營四方人鬼同謀百姓與能兆民欣戴奉順符  
藏建位易號丕承天序補弊興衰存復祖業誕膺皇綱不墜于地萬國未定早世遐邇朕以幼沖繼統鴻基  
未習保傅之訓而嬰祖宗之重六合壅否社稷不建永惟所以念在匡救光載前緒未有攸濟朕以幼沖繼統鴻基  
興夜寐不敢自逸每崇菲薄以益國用勤分務穡以阜民財搜方任能以參其聽斷私降意以養將士欲奮劍  
長驅指討凶逆朱旗未舉而不復隕墜斯所謂不然我薪而自焚也殘類餘醜又支天禍恣睢河洛阻兵未弭諸  
葛丞相安毅忠壯忘身憂國先帝託以天下以助朕躬昔項籍總一強衆跨州兼土所務者大然卒敗垓下死于東城  
營元戎雙行天罰除患寧亂克復舊都在此行也昔項籍總一強衆跨州兼土所務者大然卒敗垓下死于東城  
宗族如焚爲笑千載皆不以義陵上虐下故也今賊傲尤天人所怨幸時宜速庶憑炎精祖宗威靈相助之福所  
向必克吳王孫權同副災患潛軍合謀犄角其後涼州諸國王各遣月支康居胡侯支富廣楮等二十餘人

謂授節度。大軍北出。便欲率將兵馬。奮戈先驅。天命既集。人事又至。師貞勢并。必無敵矣。夫王者之兵。有征無戰。尊而且義。莫敢抗也。故鳴條之役。軍不血刃。牧野之師。商人倒戈。今旌麾首路。其所經至。亦不欲窮兵黷武。有能棄邪從正。尊食靈漿。以迎王師。國有常典。封寵大小。各有品限。及魏之宗族枝葉。中外有能規利害。審順逆之數。來詣降者。皆原除之。昔輔果絕親于智氏。而蒙全宗之福。微子去殷。項伯歸漢。皆受茅土之慶。此前世之明驗也。若其沈迷不反。獎助亂人。不式王命。戮及妻孥。罔有攸救。廣宣恩威。誅其元惡。弔其殘民。他如詔書律令。丞相其露布天下。使稱朕意焉。亮命長史張裔。參軍蔣琬。統留府事。辟伊默。來敏。爲軍祭酒。震弋。姚仙等皆入幕府。並進文武之士。亮稱之曰。忠益者莫大于進人。進人者各務其所尙。今姚掾並存剛柔。以廣文武之用。可謂博雅矣。願諸掾各希此事。長水校尉廖立。見亮舉師。對蔣琬等以爲不然。且誹謗先帝。疵毀衆臣。亮奏以爲亂政。廢爲庶民。徙汶山。亮以帝當于春秋。忠邪難辨。深惟根本至計。四年春。亮將出軍漢中。前將軍李嚴當知後事。移屯江州。留護軍陳到駐永安。統屬于嚴。五年春三月。亮遂討魏。北駐漢中。留長史張裔。參軍蔣琬統留府事。臨發。上疏曰。先帝創業未半。而中道崩殂。今天下三分。益州疲弊。此誠危急存亡之秋也。然侍衛之臣。不懈于內。忠志之士。忘身于外者。蓋追先帝之殊遇。原注。文選無殊字。欲報之于陛下也。誠宜開張聖聽。以光先帝遺德。恢宏志士之氣。不宜妄自菲薄。引喻失義。以塞忠諫之路也。宮中府中。原注。文選注。宮中禁中。府中。大將軍幕府也。俱爲一體。陟罰臧否。不宜異同。若有作姦犯科及爲忠善者。宜付有司。論其刑賞。以昭陛下平明之理。不宜偏私。使內外異法也。侍中侍郎郭攸之。費禕。董允等。原注。楚國先賢傳。郭攸之。南陽人也。以器業知名。此皆良實。志慮忠純。是以先帝簡拔以遺陛下。愚以爲宮中之事。事無大小。悉以咨之。然後施行。必能裨補闕漏。有所廣益。原注。文選有也字。將軍向寵。性行淑均。曉暢軍事。試用于昔日。先帝稱之曰。能。是以衆議舉寵以爲督。愚以爲營中之事。事無大小。悉以咨之。必能使行陳和穆。優劣得所。原注。文選有也字。親賢臣。遠小人。此先漢所以興隆也。親小人。遠賢臣。原注。文選作士。此後漢所以傾

頽也。先帝在時，每與臣論此事，未嘗不歎息痛恨于桓靈也。侍中、尚書、長史、參軍，此悉貞良死節之臣。注：原也。文選有也字。願陛下親之信之，則漢室之隆可計日而待也。臣本布衣，躬耕于南陽，苟全性命于亂世，不求

聞達于諸侯。先帝不以臣卑鄙，猥自枉屈，三顧臣于草廬之中，咨臣以當世之事，由是感激，遂許先帝以驅馳。後值傾覆，受任于敗軍之際，奉命于危難之間，爾來二十有一年矣。原注：裴松之曰：劉備以建安十三年敗，遣亮使吳。亮以建興五年。

抗表北伐，自傾覆至此，整二十年。然先帝知臣謹慎，故臨崩寄臣以大事也。受命以來，夙夜憂慮，恐託付不效，以傷先帝之明。故五月渡瀘，深入不毛，今南方已定，兵甲已足，當獎率三軍，北定中原，庶竭駑鈍，攘

除姦凶，興復漢室，還于舊都。此臣所以報先帝而忠陛下之職分也。至于斟酌損益，進盡忠言，則攸之禱，允之任也。願陛下託臣以討賊興復之效，不效則治臣之罪，以告先帝之靈。責攸之禱，允等之慢，以彰其咎。原注：文選無之慢以彰其咎五字。注云：蜀志載亮表云：若無興德之言，則戮允等以彰其慢。今此無上六字。陛下亦宜自謀。原注：文選謀作課。注引王逸楚辭注曰：謂試也。以諮詎善

道，察納雅言，深追先帝遺詔，臣不勝受恩感激。今當遠離，臨表涕零。原注：文選不知所言，遂行屯于河北

陽平石馬。原注：郭沖三事曰：亮屯于陽平，遣魏延諸軍并兵東下。亮惟留萬人守城。晉宣帝率二十萬衆拒亮，而與延軍錯道。徑至前當亮，六十里所偵候白宣帝。說亮在城中，兵少力弱。亮亦知宣帝垂至，已與相偪。欲

前赴延軍，相去又遠，回迹返追，勢不相及。將士失色，莫知其計。亮意氣自若，敕軍中皆臥，息鼓，不得妄出。亮又令大開四城門，掃地卻洒，宣帝嘗謂亮持重，而猥見勢弱，疑其有伏兵。于是引軍北趣山，明日食時，亮謂參佐拊

手大笑曰：司馬懿必謂吾怯，將有強伏。循山走矣。候邏還白，如亮所言。宣帝後知，深以爲恨。裴松之雜曰：陽平在漢中，亮初屯陽平，宣帝尙爲荊州都督，鎮宛城。至曹真死後，始與亮于關中相抗禦。亮嘗遺宣帝自宛由西城伐蜀，值霖雨，不果。此之前後，無復有陽平交兵事。就如冲言，宣帝既率二十萬衆，已知亮兵少力弱，若疑其有伏兵，正可嚴防持重，何至便如是乎。案魏延傳云：延每隨亮出，輒欲請精兵萬人，與亮異道會于瀘關，亮制而不許。延常謂亮爲

怯。歎己才用之不盡也。亮尚不以延爲萬人別統。豈得如冲言。頓使將軍重兵在前。而以輕弱自守乎。且冲與扶風王言。顯彰宣帝之短。對子毀父。理所不容。而云扶風王慨然善冲之言。故知此書舉引皆虛。張忠武侯傳。亮以轉漕回遠。使子喬親帥諸將子弟轉運于谷中。孟達既北赴魏。有李鴻者降蜀。爲亮言叛人王冲見達。稱明公切齒于達。欲收其妻子者。達曰。諸葛公見顯有本末。必不爾。亮復以書遺達。令自拔。達欲舉新城郡歸蜀。亮至漢中。達每遇其情。會司馬懿覺。引兵誅達。六年正月。亮在漢中。欲出攻魏。與軍下謀之。丞相司馬懿廷曰。魏夏侯楙少主婿也。怯而無謀。願假延精兵五千。負糧五千。直從襄中。出循秦嶺而東。當子午而北。不過十日。可至長安。比東方相合。聚尙二十許日。而公從斜谷來。亦足以達。如此則一舉而成。陽以西可定也。亮以爲不知從坦道平取爲正。不用延計。揚聲由斜谷取郿。使將軍趙雲爲疑兵。據箕谷。魏遣曹真都督關右軍。亮身率大眾攻祁山。戎陣整齊。號令明肅。南安。天水。安定。三郡應亮。魏朝恐懼關中響震。軍臣莫知計所出。魏主數如長安。命將軍張郃督馬步五萬拒亮。初越嶺太守馬謖。才器過人。好論軍計。亮深加器異。及攻南方。謖爲亮言攻心爲上。卒如其計。昭烈臨終謂亮曰。馬謖吾過其實。不可大用。亮以爲不然。以謖爲參軍。每引見談論。自晝達夜。及出軍祁山。謖督諸軍在前。與張郃戰于街亭。違亮節度。舉措煩擾。舍水上山。不下據城。裨將王平連規諫不用。遂大爲郃所敗。士卒離散。獨平將千人自持。收合諸營。遺棄而還。亮屯去謖數里。徐行引退。拔西縣千餘家歸漢中。收謖下獄。戮以謝衆。爲之流涕。自臨祭。待其遺孤若平生。蔣琬後詣漢中問亮。天下未定。戮智計之士。豈不惜乎。亮流涕曰。孫武所以能制勝于天下者。用法明也。四海分裂。兵交方始。若復廢法。何川討賊耶。亮又誅將軍張休。李盛。奪將軍黃鬪等兵。是時趙雲等亦敗于箕谷。不至重傷。貶雲位號。旌賞王平。加拜參軍。統五部。進位討寇將軍。封亭侯。六年春。亮揚聲由斜谷道取郿。使鎮東將軍趙雲。揚武將軍鄧芝爲疑軍。據箕谷。亮身率大軍攻祁山。戎陳整齊。號令明肅。始魏人以昭烈既崩。數歲寂然無聞。略無備預。卒聞亮出。上下震恐。天水。南安。安定三郡皆應亮。關中響震。曹叅西鎮長安。遣張郃督步騎五萬拒亮。亮使參軍馬謖督諸軍在前。與張郃戰于街亭。謖違亮節度。舉動失宜。大爲郃所敗。而趙雲鄧芝兵亦敗于箕谷。亮乃拔西縣千餘家還漢中。蜀人或以此賀。亮愀然曰。普天之下。莫非漢人。國家威力未舉。使百姓墜于塗炭。一夫有死。皆亮之罪。以此相賀。能不愧乎。原注。郭冲四山。隴西南安二郡應時降。圍天水。拔冀城。虜姜維。驅略士民數千人還蜀。人皆賀亮。亮顏色愀然。有威容。謝曰。普天之下。莫非漢民。國家威力未舉。使百姓困于豺狼之吻。一夫有死。皆亮之罪。以此相賀。能不爲愧。于是蜀人咸知



亮有吞魏之志。非惟拓境而已。裴松之雜曰。亮有吞魏之志久矣。不始于此。衆人方知。且于時師出無成。傷缺而反者衆。三郡歸降而不能有。姜維天水之匹夫爾。獲之則于魏何損。拔西縣千家。不補街亭所喪。以何爲功。而蜀人相賀乎。或人之賀。亮已拒之。世期之難未當也。乃戮馬謖以謝衆。原注。胡寅斐然集云。下馬謖于獄。或說亮曰。楚誅子玉。二世不競。秦救孟明。遂伯諸侯。天下未定。不宜戮計謀之士。請釋之以圖後效。亮曰。

·古人所以能制勝于天下者。用法明也。故揚于亂行。魏降戮其僕。以失律上疏請加貶責曰。臣以弱才。叨竊非。四海分裂。兵交方始。若復廢法。安用討賊耶。遂戮謖以謝衆。

據親乘旄鉞以厲三軍。不能訓章明法。臨事而懼。至有街亭違命之闕。箕谷不戒之失。咎皆在臣。授任無方。臣明不知人。恤事多闕。春秋責帥。臣職是當。請自貶三等。以督厥咎。于是以亮爲右將軍行丞相事。所

總統如前。或勸亮更發兵者。亮曰。大軍在祁山箕谷。皆多于賊。而不能破賊。乃爲賊所破。此不在兵少也。

在一人爾。今欲減兵省將。明罰思過。校變通之道于將來。若不能然者。雖兵多何益。自今已後。諸有忠慮

于國。但攻吾之闕。則事可定。賊可死。功可躋足而待也。於是考微勞。甄壯烈。引咎責躬。布所失于境內。厲

兵講武。以爲後圖。戎士簡練。民忘其敗矣。原注。張拭忠武侯傳。亮之出祁山。天水功曹姜維降。亮以其敏于軍事。心存漢室。辟爲倉曹掾。典軍事。平三郡有功。封亭侯。冬

十一月。亮聞吳破曹休。魏兵東下。關中虛弱。欲出兵擊魏。羣臣多以爲疑。亮上言曰。先帝慮漢賊不兩立。

王業不偏安。故託臣以討賊也。以先帝之明。量臣之才。故知臣伐賊。才弱敵強也。然不伐賊。王業亦亡。惟

坐而待亡。孰與伐之。是故託臣而勿疑也。臣受命之日。寢不安席。食不甘味。思惟北征。宜先入南。故五月

渡瀘。深入不毛。并日而食。臣非不自惜也。顧王業不可偏全于蜀都。故冒危難。以奉先帝之遺意也。而議

者謂爲非計。今賊適疲于西。又務于東。兵法乘勞。此進趨之時也。謹陳其事如左。高帝明並日月。謀臣淵

淵。

深。然涉險被創。危然後安。今陛下未及高帝。謀臣不如良平。而欲以長計取勝。坐定天下。此臣之未解一也。劉繇王朗各據州郡。論安言計。動引聖人。羣疑滿腹。衆難塞胸。今歲不戰。明年不征。使孫策坐大。遂并江東。此臣之未解二也。曹操智計。殊絕于人。其用兵也。彷彿孫吳。然困于南陽。阨于烏巢。危于祁連。偏于黎陽。幾敗伯山。謹案。通志及監本陳志俱作伯山。與此合。今作北山。殆死潼關。然後僞定一時。爾況臣才弱。而欲以不危而定之。此

臣之未解三也。曹操五攻昌霸不下。四越巢湖不成。任用李服而李服圖之。委任夏侯而夏侯敗亡。先帝

每稱操爲能。猶有此失。況臣鷲下。何能必勝。此臣之未解四也。自臣到漢中。中間葦年爾。然喪趙雲。謹案趙雲傳。卒于建興七年。散關之役在六年冬。而陽羣、馬玉、閻芝、丁立、白壽、劉郃、鄧銅等。及曲長屯將七十餘人。

突將無前。竇叟、青羌散騎武騎一千餘人。此皆數十年之內所糾合四方之精銳。非一州之所有。若復數

年。則損三分之二也。當何以圖敵。此臣之未解五也。今民窮兵疲。而事不可息。事不可息。則住與行。勞費

正等。而不及虛圖之。謹案。今志注作而不及今圖之。毛本作及虛。與此合。通志作乘虛。欲以一州之地。與賊持久。此臣之未解六也。夫難平

者事也。昔先帝敗軍于楚。當此之時。曹操拊手。謂天下已定。然後先帝東連吳越。西取巴蜀。舉兵北征。夏

侯授首。此操之失計。而漢事將成也。然後吳更遠盟。關羽毀敗。穉歸蹉跌。曹丕稱帝。凡事如是。難可逆料。

臣鞠躬盡力。死而後已。至于成敗利鈍。非臣之明所能逆睹也。原注。裴松之曰。此表見漢晉春秋。亮集所無。出張鸞譏記。亮乃引兵復

出散關。圍陳倉。魏曹真拒之。糧盡而還。魏將王雙追之。亮擊斬雙。七年。亮遣陳戒。謹案。陳戒。與通志合。蜀志作陳式。攻武

出散關。圍陳倉。魏曹真拒之。糧盡而還。魏將王雙追之。亮擊斬雙。七年。亮遣陳戒。攻武

都陰平。魏雍州刺史郭淮率衆欲擊戒亮。亮自出至建威。淮退走。遂平二郡。原注。胡寅斐然集云。八年使魏延西入羌中。大破郭淮及費瑤于陽谿。

詔策亮曰。街亭之役。咎由馬謖。而君引愆。深自貶抑。重違君意。聽順所守。前年耀師。馘斬王雙。今歲爰征。

郭淮遁走。降集氐羌。興復二郡。威震凶暴。功勳顯然。方今天下騷擾。元惡未梟。君受大任。幹國之重。而久

自挹損。非所以光揚洪烈矣。今復君丞相。君其勿辭。夏孫權稱帝。遣使以並尊二帝來告。議者咸謂交之

無益。而名體弗順。宜顯明正義。絕其盟好。亮曰。權有僭逆之心久矣。國家所以略其覺情者。求犄角之援。

今若加顯絕。仇我必深。更當移兵東戍。與之角力。須并其土。乃議中原。彼賢才尙多。將相輯睦。未可一朝

定也。頓兵相守。坐而須老。使北賊得計。非算之上者。昔孝文卑辭匈奴。原注。事見北狄匈奴傳。先帝優與吳盟。皆

應權通變。深思遠益。非若匹夫之忿者也。謹案。今本陳志作非匹夫之爲分者比。册府元龜分作忿。毛本比作也。皆與此合。今議者咸以權利在鼎

足。不能并力。且志望已滿。無上岸之情。謹案。今本陳志作上追。毛本作上岸。與此合。推此皆似是而非也。何者。其智力不侔。故

限江自保。權之不能越江。猶魏賊之不能渡漢。非力有餘而利不取也。若大軍致討。彼上當分裂其地。以

爲後規。下當略民廣境。示武于內。非端坐者也。若就其不動而睦于我。我之北伐無東顧憂。河南之衆。不

得盡西。此之爲利。亦已深矣。權僭逆之罪。未宜明也。乃遣衛尉陳震使于吳。賀稱尊號。權與震約中分天

下。冬十二月。亮徙府營于南山下原上。築漢城于沔陽。樂城于成固。八年秋。魏司馬懿由西城。張郃由子

午谷。曹真由斜谷寇漢中。亮次于成固赤坂以待之。召李嚴將二萬人赴漢中。會大雨三十餘日。棧道斷

絕。魏延破郭淮于陽谿。曹叡詔眞等還。九年春二月，亮復伐魏，命李嚴以中都護署府事，嚴更名平。亮率諸軍圍祁山，以木牛運。招鮮卑軻比能，比能等來歸。故北地石城皆應。曹叡遣司馬懿西屯長安，督張郃、費曜、戴陵、郭淮等拒亮。救祁山，亮分兵留攻祁山，自逆懿等於上邽。懿令郭淮、費曜邀亮，亮擊破之。因大芟其麥。夏五月辛巳，懿自逆亮，亮使魏延、高翔、吳班擊之，魏兵大敗，獲甲首三千人，元鎧五千，角弩三千。懿還保營。六月，亮以糧盡，退軍。懿遣張郃追之，進至木門，亮逆與郃戰，乘高布伏，弓弩亂發，射死郃。初，亮在祁山，更下者十二，在者八萬。魏兵始至，番兵適交，將佐咸以賊衆強盛，宜權停下兵。張助聲勢，亮曰：「吾統武行師，以大信爲本，得原失信，古人所惜。」原注：左氏傳：晉侯圍原，命三日之糧，原不降，命去之。謀出曰：原失信，何以庇之。所亡。更者，謹案：陳志注：作去者。束裝以待期，妻子鶴望而計日。雖臨征難，義所不廢。督遣令去。

于是去者感悅，願留一戰。住者憤踊，思致死命。相謂曰：「諸葛公之恩，死猶不報也。及戰皆拔刀爭先，莫不

一當百，故破司馬懿，殺張郃，威聲大振。出師以來，未之有也。」原注：郭沖五事曰：魏明帝自征蜀，幸長安，遣宣

劍閣。亮時在祁山，旌旗利器守在險要，十二云云。殺張郃，卻宣王，一戰大克，此信之由也。裴松之難曰：亮前出祁山，魏明帝身至長安，爾此年不復自來，且亮大軍在關，隴人何由得越亮徑向劍閣。亮既在戰場，本無久駐之規，而方休

兵還蜀，皆非經通之言。孫盛習鑿齒搜求異同，罔有所遺，而並不多載沖言，知其乖刺多矣。世期謂亮之攻祁山，無徑向劍閣之理是也。更兵番下，而亮不失信，御衆之道也。故衆爲盡其死力，而亦以爲不然。非也。亮之攻祁山

也。李平留後主督運，反覆稽誤。亮表平前後過惡，免官削爵土。徙梓潼郡，復以平子豐爲中郎將，參軍事。

原注：張弼忠武侯傳：八月廢中都護李平，徙梓潼郡。方亮在祁山，平掌運事，值天霖雨，糧道不繼。平遣參軍報亮，來還，亮承以退。平聞軍退，乃更陽驚曰：軍糧饒足，何以便歸。又表帝謂軍僞退以誘賊。亮出其前後手筆書疏本末。

平領首謝罪。於是亮表平罪惡曰。今篡賊未滅。社稷多難。國事惟和。可以克捷。不可包含。以危大業。遂廢徒焉。平子豐時爲亮幕府參軍。亮與書曰。吾與君父子戮力。以獎漢室。謂至心感動。終始可保。何圖中乖。若都護恩負一意。君推心從事。否可復還。逝可復還也。初平嘗與亮書。勸受錫進爵。亮報之曰。吾本東方下士。誤用于先帝。位極人臣。祿賜百億。討賊未效。知已未答。而方寵齊晉。坐自貴大。豈其義乎。若滅魏斬數。帝還故居。與諸子並升可也。

十年亮休兵于黃沙。勸農講武。作木牛流馬運米。集斜谷口。治斜谷邸閣。息民三年而後用之。十二年春

二月亮復伐魏。悉衆十萬出斜谷。遣使約吳同時大舉至郿。軍于渭南。據武功五丈原。魏司馬懿拒之。謹案

語林曰。諸葛武侯與司馬宣王在渭濱。將戰。宣王戎服泣事。使人視武侯。素與萬巾。持白旄扇指揮三軍。皆隨其進止。宣王服而歎曰。可謂名士。亮每患糧餉不繼。使己志不信。乃分

兵屯田爲久駐之基。耕者雜于渭濱居民之間。百姓安堵。軍無私焉。夏五月孫權入居巢湖口。向合肥新城。衆號十萬。又遣陸遜諸葛瑾入江夏沔口。向襄陽。孫韶張承入淮。向廣陵淮陰。曹叡親率諸軍拒權。亮

數挑戰。懿不敢出。相守百餘日。亮乃遣懿巾幗婦人之服。懿怒。上表請戰。曹叡使辛毗仗節爲軍師以制

之。護軍姜維謂亮曰。辛佐治仗節而到。賊不復出矣。亮曰。彼固無戰志。閉壘以老我爾。其表請戰。示武于

其衆也。將在軍。君命有所不受。苟能支吾。謹案。支吾。志注作制吾。豈千里而請戰耶。亮使至懿軍。懿第問其寢食及

事之煩簡。不問戎事。使者對曰。諸葛公夙興夜寐。罰二十以上皆親覽焉。所噉食不至數升。懿語其人曰。

孔明食少事煩。其能久乎。秋八月亮疾病。末帝使尙書僕射李福省侍。因諮國家大計。亮皆奏答。遂密授

長史楊儀司馬費禕。護軍姜維等身沒之後。退軍節度。其夕有星赤而芒角。自東北流西南。投亮營。三投

再還。往大還小。俄而亮薨。時年五十四。

原注。魏書。亮權盡勢窮。憂毒歎血。一夕燒營遁走。入谷道。發病卒。漢晉春秋。亮卒于郭氏塢。裴松之曰。亮在渭濱。魏人臨跡。勝負之形。

未可測量。而云嘔血。蓋因亮身亡而自夸大也。夫以孔明之略。豈爲仲達嘔血乎。及至劉琰喪師。與晉元帝。亦云亮軍敗嘔血。此則引虛記以爲言也。其云入谷而卒。緣蜀人入谷發喪故也。張斌忠武侯傳。會秋亮有疾。日使。密表帝曰。臣若不幸。後事宜以付蔣琬。時帝亦遣尚書僕射李福省侍。因諮以國家大計。別去數日。復還。亮曰。知君還意。近言語雖稠。日有所不盡。更來求決耳。所問者。公刻其宜也。福復請。亮曰。文偉可以繼之。又問其次。亮不答。文偉即費禕也。初琬爲廣都長。昭烈嘗奄至廣都。琬事不治。且復沈醉。昭烈大怒。將加戮。亮曰。琬社稷之器。非百里才。其爲政以安民爲本。不事修飾。願加察。乃解。禕爲黃門侍郎。亮南征還。羣僚迎謁于數十里外。年位多在禕右者。而亮特命禕同載。衆皆易觀。至是又並稱之。後相繼攝政事。皆稱賢相云。長史楊儀整軍而出。百姓奔告司馬懿。懿追之。姜維令儀反旗鳴鼓。若

將向懿者。懿斂軍退。不敢逼。于是儀結陳而去。入谷。然後發喪。百姓爲之諺曰。死諸葛走生仲達。懿聞之。

曰。吾能料生。不能料死也。懿案行亮之營壘處所。歎曰。天下奇才也。亮遺命葬漢中定軍山。因山爲墳。冢

足容棺。斂以時服。不須器物。謹案。水經注曰。諸葛亮死。遺令葬于其山。因卽地勢。不起墳塋。惟深松茂柏。攢蔚川阜。莫知墓塋所在。詔策曰。惟君體資文武。明

睿篤誠。受遺託孤。匡輔朕躬。繼絕興微。志存靖亂。爰整六師。無歲不征。神武赫然。威震八荒。將建殊功于

季漢。參伊周之巨勳。如何不弔。事臨垂克。遺疾隕喪。朕用喪悼。肝心若裂。夫崇德序功。紀行命諡。所以光

昭將來。刊載不朽。使使持節左中郎將杜瓊贈君丞相武鄉侯印綬。諡君爲忠武侯。魂而有靈。嘉茲寵榮。

嗚呼哀哉。嗚呼哀哉。初亮自表帝曰。成都有桑八百株。薄田十五頃。子弟衣食。自有餘饒。至于臣在外任。

無別調度。隨身衣食。悉仰于官。不別治生。以長尺寸。若臣死之日。不使內有餘帛。外有贏財。以負陛下。及

薨。如其所言。初長水校尉廖立有罪。亮廢爲民。徙汶山。及亮薨。立垂泣曰。吾終爲左袵矣。李平聞之。亦發

病死。其用法公恕。服人如此。

原注。張斌忠武侯傳。亮駕馭諸將。曲盡其情。昭烈嘗命黃忠爲後將軍。亮曰。忠名望素非關馬之倫。今遵令同列。馬超張飛。親見其功。尙可喻旨。羽逢關之。將不悅。

·略烈不聽·頃之·策羽爲前將軍·羽果大怒曰·大丈夫終不與者兵同列·費詩說之·始拜命·魏延楊儀皆小人之難養者·且不相同·然延驍勇善撫士·儀有幹用·亮使儀當勞劇·延冒險阻·皆受命捐軀·不敢辭難·及亮沒·乃舉兵相圖以死·亮長史張裔嘗稱亮曰·公賞不遺遠·罰不阿近·爵不可以無功取·刑不可以實勢免·此賢愚所以愈忘其身也·子瞻嗣爵·弟均官至長水校尉·瞻有傳·亮初亡·蜀人

所在求爲立廟·朝議以禮秩不聽·百姓遂因時節私祭之道陌上·步兵校尉習隆·中書郎向充等共上表

曰·臣聞周人懷召伯之德·甘棠爲之不伐·越王思范蠡之功·鑄金以存其像·漢興以來·小善小德而圖形

立廟者多矣·況亮德範遐邇·助蓋季世·王室之不壞·實斯人是賴·而烝嘗止于私門·廟象闕而莫立·使百

姓巷祭·戎夷野祀·非所以崇德念功·追述在昔者也·今若盡順民心·則瀆而無典·建之京師·又逼宗廟·此

聖懷所以惟疑也·臣愚以爲宜因近其墓·立廟于沔陽·使所親屬·以時祭享·凡其故吏欲奉祠者·皆令趨

廟·斷其私祀·以崇正禮·帝從之·原注·何承天曰·周禮凡有功者祭于太蒸·故後代遵之·景曜六年·詔爲亮立

廟沔陽·謹案·水經注曰·定軍山東名·高平·是亮宿營處·有亮廟·其秋·鍾會至漢川·祭于廟·令軍士不得于亮墓所左右芻牧樵採·亮

襟度奇雅·推誠任公·不爲譎計·以規近利·深明治體·克勤小物·節用務本·治實而不治名·甄拔才幹·核真

課效·盡其器使·科教嚴明·賞罰必信·是以吏不容姦·人懷自厲·朝會不譁·路無醉人·風化肅然·其治兵統

武·一用節制·出入如賓·行不爲寇·芻蕘不獵·如在國中·戎律整治·號令精明·是以士卒用命·赴死如歸·其

行軍安靜而堅重·安靜故易動·堅重故不可犯·是以其止如山·進退如風·兵出之日·天下震動·而人心不

憂·衆雖數萬·其所興造·若數十萬之功·所至營壘·井竈·藩籬·障塞·皆應繩墨·一月之行·去之如始至·受六

尺之孤攝一國之政事。凡庸之君專權而不失禮。行君事而人不疑。法嚴而民悅服。用民盡其死力而不

怨沒之日。西土之人甚于周人之思召伯。至于敵國外夷無不歎惜者。原注。胡寅斐然集。亮才資文武。明睿

正。而應變無窮。自為幼童。已欲與微繼絕。撥亂世反之正。其規模大策。夙定于胸中。見諸行事。皆平時所種積者。

非臨危演思。嘗試其說而行也。故翼戴先主于傾覆顛沛之間。從容談笑。分割山河。與復漢宗。與曠昔語先主于南陽。

其策無不效者。及夫受六尺之孤。履危急之地。事凡庸之主。政由己出而不失臣禮。身握強兵而中外無間。行法峻嚴而

國人悅服。用民盡其力而下不怨勞。死之日。百姓追思。如喪考妣。庶幾哉帝王之輔。伊呂之儔。度越管蕭遠矣。亮雖

雄姿杰出。而從諫如流。改過不吝。都護李平。同受遺詔。平後挾詐自營。無憂國之事。侍中廖立。徙長水校尉。因快

快懷恨。疵毀亂羣。亮表廢平立為民。平徙梓潼郡。立徙汶山郡。後聞亮卒。平發病卒。立垂泣歎曰。吾終為左衽矣。

或謂亮之致廖立垂泣。李平致死。豈徒伯氏奪邑沒齒無怨言而已哉。于是可謂能用刑矣。自秦漢已來。未之有也。亮佐二主自克成都及薨。凡二十一年無赦。有言亮惜

赦者。亮答曰。治世以大德。不以小惠。故匡衡吳漢不願為赦。原注。漢書匡衡上疏曰。比年大赦。使百姓得改行

病篤。車駕親臨問所欲言。對曰。臣愚無所知識。惟願陛下慎無赦而已。後漢書。吳漢先帝亦言。吾周旋陳元方鄭康成間。

每見啓告治亂之道。悉矣。曾不語赦也。若劉景升季玉父子。歲歲赦宥。何益于治哉。其戒子瞻書曰。君子

之行。靜以修身。儉以養德。非淡泊無以明志。非寧靜無以致遠。夫學須靜也。才須學也。非學無以廣才。非

靜無以成學。惰慢則不能研精。險躁則不能理性。其自頌曰。吾心如稱。不能為人作輕重。是皆三代儒者

正心修身之學。秦漢而下。未之有也。原注。袁子曰。或問諸葛亮何如人也。袁子曰。張飛關羽與劉備俱起。爪牙

亮足重故也。及其受六尺之孤。攝一國之政。事凡庸之君。專權而不失禮。行君事而國人不疑。如此即以爲君臣百姓之

心欣戴之矣。行法嚴而國人悅服。用民盡其力而下不怨。及其兵出入如實。行不寇。芻蕘者不讎。如在國中。其用兵也

師止如山。進退如風。兵出之日。天下震動。而人心不憂。亮死。至今十餘年。國人歌思。如周人之思召公也。孔子

曰。雍也可使南面。諸葛亮有焉。又問。諸葛亮始出隴右。南安。天水。安定三郡人反應之。若亮演進。則三郡非中國



之有也。而亮徐行不進。既而官兵上隴。三郡復叛。亮無尺寸之功。失此機何也。袁子曰。蜀兵輕銳。良將少。亮始出未知中國強弱。是以疑而嘗之。且大會者不求近功。所以不進也。曰。何以知其疑也。袁子曰。初出遲重。屯營重複。後轉降未進兵欲戰。亮勇而能圖。三郡反而不速應。此其疑也。曰。何以知其勇而能圖也。袁子曰。亮之在街亭也。前軍大破。亮屯去數里不救。官兵相接。又徐行。此其勇也。亮之行軍。安靜而堅重。安靜則易動。堅重則可以進退。亮法令明。賞罰信。士卒用命。赴險而不顧。此所以能圖也。曰。亮率數萬之衆。其所興造。若數十萬之功。是其奇者也。所至營壘。井竈。圍澗。藩籬。障塞。皆應繩墨。一月之行。去之如始至。勞費而徒爲飾好。何也。袁子曰。蜀人輕脫。亮故堅用之。曰。何以知其然也。袁子曰。亮治實而不治名。志大而不欲遠。非求近速者也。曰。亮好治官府。次舍。橋梁。道路。此非急務。何也。袁子曰。小國賢才少。故欲其尊嚴也。亮之治蜀。田疇辟。倉廩實。器械利。蓄積饒。朝會不譁。路無醉人。夫本立故未治。有餘力而後及小事。此所以勸其功也。曰。子之論諸葛亮則有證也。以亮之才而少其功。何也。袁子曰。亮治本者也。其于應變。則非所長也。故不敢用其短。曰。然則吾子美之。何也。袁子曰。此固賢者之遠矣。安可以備體實也。夫能知所短而不用。此賢者之大也。知所短則知所長矣。夫前識與言而不中。亮之所不用也。此吾之所謂可也。吳大鴻臚張儉作默記。其述佐薦。論亮與司馬宣王書曰。漢朝傾覆。天下崩壞。豪傑之士。競希神器。魏氏跨中土。劉氏據益州。並稱兵海內。爲世霸王。諸葛司馬二相。遭值際會。託身盟主。或收功于蜀漢。或册名于伊維。不備旣沒。後嗣繼統。各受保阿之任。輔翼幼主。不負然諾之誠。亦一國之宗臣。霸王之賢佐也。歷前世以觀近事。二相優劣。可得而詳也。孔明起巴蜀之地。陷一州之土。方之大國。其戰士人民蓋有九分之一也。而以賈贊大矣。抗對北敵。至使耕戰有伍。刑法整齊。提步卒數萬。長驅祁山。慨然有飲馬河洛之志。仲達據天下十倍之地。仗兼併之衆。據牢城。擁精銳。無禽敵之意。務自保全而已。使彼孔明。自來自去。若此人不亡。終其志意。連年運思。刻日興謀。則涼雍不解甲。中國不釋鞍。勝負之勢。亦已決矣。昔子產治鄭。諸侯不敢加兵。蜀相其近之矣。方之司馬。不亦優乎。或曰。兵者凶器。戰者危事也。有國者不務保安境內。綏靖百姓。而好開關土地。征伐天下。未爲得計也。諸葛丞相。誠有匡佐之才。然處孤絕之地。戰士不備五萬。自可閉關守險。君臣無事。空勞師旅。無歲不征。未能進咫尺之地。開帝王之基。而使國內受其荒殘。西土苦其役調。魏司馬懿才用兵衆。未易可輕。量敵而進。兵家所慎。若丞相必有以算之。則未見坦然之助。若無算以裁之。則非明哲之謂海內歸向之意也。余竊疑焉。請問其說。答曰。蓋聞湯以七十里。文王以百里之地而有天下。皆用征伐而定之。揖遜而登王位者。惟舜禹而已。今蜀魏爲敵戰之國。勢不俱王自操備時。強弱懸殊。而備猶出兵陽平。倉夏侯淵。羽圍襄陽。將降曹仁。牛獲于禁。當時北邊大小憂懼。孟德身出南陽。樂進徐晃等爲救。圍不即解。故蔣子通言彼時有徒許渡河之計。會國家襲取南郡。羽乃解軍。元德與操。智力多少。士衆衆寡。用兵行軍之道。不可同年而語。猶能暫以取勝。是時又無大吳掎角之勢也。今仲達之才。減于孔明。當時之勢。異于曩日。元德尙與抗衡。孔明何以不可出軍而圖敵邪。昔樂毅以弱燕之衆。兼從五國之兵。長驅強齊。下七十餘城。今蜀漢之卒。不少燕軍。君臣之接。信于樂毅。加以國家爲唇齒之援。東西相應。首尾如蛇。形勢重大。不

比于五國之兵也。何憚于彼而不可哉。夫兵以奇勝。制敵以智。土地虛狹。人馬多少。未可偏恃也。余觀彼治國。亮有之體。當時既肅整。遺教在後。及其辭意懇切。陳進取之圖。忠謀警誓。義形于主。雖古之管晏。何以加之乎。亮有巧思損益連弩。木牛流馬。推演兵法。作八陣圖。

原注。魏氏春秋。亮損益連弩。謂之元戎。以鐵爲矢。矢長八寸。一弩十矢俱發。亮集載作木牛流馬法曰。木牛者。方腹曲頭。

一脚四足。頭入領中。舌著于腹。載多而行少。宜可大用。不可小使。特行者數十里。羣行者二十里也。曲者爲牛頭。雙者爲牛脚。橫者爲牛領。轉者爲牛足。覆者爲牛背。方者爲牛腹。垂者爲牛舌。曲者爲牛肋。刻者爲牛齒。立者爲牛角。細者爲牛鞅。攝者爲牛轡軸。牛仰雙轆。人行六尺。牛行四步。載一歲糧。日行二十里。而人不大勞也。流馬尺四寸。肋長三尺五寸。廣三寸。厚二寸二分。左右同前。軸孔分墨去頭四寸。徑中二寸。前脚孔分墨二寸五分。去前脚孔四寸五分。廣一寸。前杠孔去前脚孔分墨二寸七分。孔長二寸。廣一寸。後軸孔去前杠分墨一尺五分。大小與前同。後脚孔分墨去後軸孔三寸五分。大小與前同。後杠孔去後脚孔分墨二寸七分。後載尅去後杠孔分墨四寸五分。前杠長一尺八寸。廣二寸。厚一寸五分。後杠與等。版方囊二枚。厚八分。長二尺七寸。高一尺六寸五分。廣一尺六寸。每枚受米二斛三斗。從上杠孔去下七寸。前後同。上杠孔去下杠孔分墨一尺三寸。孔長一寸五分。廣七分。八孔同。前後四脚。廣二寸。厚一寸五分。形制如象。軀長四寸。徑面四寸三分。孔徑中二脚。杠長二尺一寸。廣一寸五分。厚一寸四分。同杠耳。

晉書。初諸葛亮造八陣圖于魚復平沙之上。壘石爲八行。行相去二丈。桓溫見之。謂此常山蛇勢也。文武莫識之。劉禹錫嘉話錄。夔州四市。俯臨江岸。沙石下有諸葛亮八陣圖。箕張翼舒。鶴形鶴勢。聚石分布。宛然尚存。峽水大時。巴蜀雪消之際。瀕湧洶瀶。大水枯槎。隨波而下。及乎水落山平。萬物皆失故態。諸葛亮小石之堆。行列依然如

是。迄今六七百年。東原錄謂孫紹先言武侯夔州八陣圖。用八以石壘。漢州八陣圖。用六以沙壘。皆近千年不泯。用六在用八之後。以其兵少。未能足其數也。或謂八陣之勢。天地風雲飛龍翔鳥虎翼蛇蟠也。案八陣集跡

荆州圖經云。在奉節縣西南七里。又云在永安宮南一里。渚下平曠。上有孔明八陣圖。聚細石圍之。各高五尺。皆棋布

相當中。間相去九尺。正中開南北巷。悉廣五尺。凡六十四聚。或爲人散亂。或爲夏水所沒。及水退復依然如故。又有

二十四聚作兩層。其後每層各十二聚。成都圖經云。武侯之八陣凡三。在夔者六十有四。方陣法也。在彌牟鎮者一

百二十有八。當頭陣法也。其在棋盤市者二百五十有六。下營法也。與元志。與元西縣亦有八陣。則八陣凡四矣。又

作八務。七戒。六恐。五懼。皆有條章。以訓厲臣子。其言教書疏及所制作。晉陽平侯相陳壽哀爲諸葛氏集

上之。凡二十四篇。開府作牧第一。權制第二。南征第三。北出第四。計算第五。訓厲第六。綜覈上第七。綜覈

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

下第八。雜言上第九。雜言下第十。貴和第十一。兵要第十二。傳運第十三。與孫權書第十四。與諸葛瑾書

第十五與孟達書第十六廢李平第十七法檢上第十八法檢下第十九科令上第二十科令下第二十一

一軍令上第二十二軍令中第二十三軍令下第二十四凡十萬四千一百二十二字後亡其書原注

表曰。臣壽等言。臣前在著作郎。侍中領中書監濟北侯臣荀勗。中書令關內侯臣和嶠。奏使臣定故蜀丞相諸葛亮故事。亮毗佐危國。負阻不賓。然猶存錄其言。恥善有遺。誠是大晉光明至德。澤被無疆。自古已來。未之有倫也。輒刪除復

重。隨類相從。凡爲二十四篇。篇名如右。亮少有逸羣之才。英霸之器。身長八尺。容貌甚偉。時人異焉。遭漢末擾亂。隨叔父元避難荊州。躬耕于野。不求聞達。時左將軍劉備以亮有殊量。乃三顧亮于草廬之中。亮深請備雄姿傑出。遂

解帶寫誠。厚相結納。及魏武帝南征荊州。劉琮舉州委質。而備失勢衆寡。無立錫之地。亮時年二十七。乃建奇策。身使孫權。求援吳會。權既宿服仰備。又觀亮奇雅。甚敬重之。即遣三萬人以助備。備得用與武帝交戰。大破其軍。乘勝

克捷。江南悉平。後備又西取益州。益州既定。以亮爲軍師將軍。備稱驛號。拜亮爲丞相錄尚書事。及備殂沒。嗣子幼弱。事無巨細。亮皆專之。于是外連東吳。內平南越。立法施度。整理戎旅。工械技巧。物究其極。科教嚴明。賞罰

必信。無惡不懲。無善不顯。至于吏不容姦。人自厲。道不拾遺。強不侵弱。風化肅然也。當此之時。亮之素志。進欲龍驤虎視。包括四海。退欲跨陵邊疆。震蕩宇內。又自以爲無身之日。則未有能陷涉中原。抗衡上國者。是以用兵不

戢。屢耀其武。然亮才于治戎爲長。奇謀爲短。理民之幹。優于將略。而所與對敵。或值人傑。加衆寡不侔。攻守異體。故雖連年勳衆。未能有克。昔蕭何薦韓信。管仲舉王子城父。皆付己之長。未能兼有故也。亮之器能政理。抑亦管蕭

亞匹也。而時之名將。無城父韓信。故使功業陵遲。大義不及耶。蓋天命有歸。不可以智力爭也。青龍二年春。亮帥衆出武功。分兵屯田。爲久駐之基。其秋病卒。黎庶追思。以爲口實。至今深益之民。吞述亮者。言猶在耳。雖甘棠之詠

召公。鄭人之歌子產。無以遠譬也。孟軻有云。以逸道使民。雖勞不怨。殺者信矣。論者或怪亮文采不豔。而過于丁寧周至。臣愚以爲咎繇大賢也。周公聖人也。考之尚書。咎繇之謀略而雅。周公之誥煩而悉。何

則。咎繇與舜禹共譚。周公與臣下矢誓故也。亮所與言。盡衆人凡士。故其文指不得及遠也。然其聲教遺言。皆經事綜物。公誠之心。形于文墨。足以知其人之意理。而有補于當世。伏惟陛下。邁蹤古聖。蕩然無忌。故雖敵國誹謗之言。

咸肆其辭而無所革諱。所以明大通之道也。謹錄寫上詣。著作臣壽誠惶誠恐。頓首頓首。死罪死罪。泰始十年二月一日癸巳。陽平侯相臣陳壽上。

議曰舜五臣以還暨商周之伊呂周召皆以道佐主而平天下及齊管氏首霸術而周不復王漢興子房

爲宗國擊秦夷項信復仇之義董公言仁義請討賊幾于湯武之際乃皆假之不久而還歸一用陰謀誦

計雜而不純。漢四百餘年而有諸葛亮。有伊尹之志。呂望之略。周公之才。出處不苟。恢廓正大。篤于道義。慨然委質。昭烈興復漢室。及受遺託。益加之共。出師討賊。忠順勤勞。繼之以死。亦聖之任也。天假之年。冀除兇孽。祀漢配天。制禮作樂。黜二京之雜霸。純于王道。可與殷周比隆。勢已定勝。而奪去之遽。惜哉。陳壽謂亮之爲相國也。拊百姓。示儀軌。約官職。從權制。開誠心。布公道。盡忠益時者。雖仇必賞。犯法怠慢者。雖親必罰。服罪輸情者。雖重必釋。游辭巧飾者。雖輕必戮。善無微而不賞。惡無纖而不貶。庶事精練。物理其本。循名責實。虛僞不齒。終于邦域之內。咸畏而愛之。刑政雖峻。而無怨者。以其用心平。而勸戒明也。壽見而知之。故得其實。其謂管蕭之亞匹。應變將略。非其所長。孔明伊呂之儔。而自比管樂。謙抑之辭也。彼壽何人。敢爲訾評。若是哉。宋朱熹有言。亮才高而時不與。志大而資不足。功烈未就。而道德有餘。土地褊小。而規模宏遠。三代而下。孟軻以來。一人而已。可謂知亮矣。

贊曰。命世異人。架天高棟。龍盤初九。泰山不動。曾孫有道。日角英采。載瞻中林。幡然而改。握乾轉坤。興王開國。雷厲風蜚。謀仇討賊。法立民信。政嚴人愛。推誠示公。復見三代。出師靈關。雜耕渭濱。定勝罔敵。大義益信。隕星告終。天不祚漢。嗚呼奇才。千古興歎。原注。蜀記曰。晉水輿中。鎮南將軍劉宏至隆中。觀亮故宅。立碑而永思。庶先哲之遺光。登隆山以遠望。弒諸葛之故鄉。蓋神物應機。大器無方。通人靡滯。大德不常。故谷風發而騶虞嘯。雲雷升而潛鱗躍。擊解褐于三聘。尼得招而褰裳。管豹變于受命。貢感激以回莊。異徐生之摘寶。釋臥龍于深藏。偉劉氏之傾蓋。嘉吾子之周行。夫有知己之主。則有竭命之良。固所以三分我漢鼎。跨帶我邊荒。抗衡我北面。馳聘我魏疆者也。英哉吾子。獨含天靈。豈神之祇。豈人之精。何思之深。何德之清。異世通夢。恨不同生。推子八陣。

不在孫矣。木牛之奇。則亦般模。神警之功。一何微妙。干井齊裝。又何祕要。昔在顛天。有名無迹。臨終受寄。讓巡許由。妙畫。咸文既沒。以言見稱。又未若子。言行並徵。夷吾反坫。樂毅不終。奚比于爾。明哲守冲。豈徒聖宣。慷慨屢歎。昔爾之際。卜惟此宅。仁智所處。能無規廓。日居月諸。時殞其夕。誰能不歿。實有遺格。惟子之助。移風來世。詠歌餘典。懦天將屬。遐哉邈矣。厥規卓矣。凡若吾子。難可究已。嚙昔之乖。萬里殊途。今我思。觀爾故墟。漢高歸魄于豐沛。太公五世而反周。想魴魴以彷彿。冀影響之有餘。魂而有靈。豈其識諸。王隱晉書云。李與。愆之子。一名安。

